

癸巳存稿卷八

黻俞正燮理切

梁諱戊城

紹興古城隍廟有梁開平時錢武肅作重修牆隍神廟兼奏進封崇福侯記云神爲唐總管龐玉末署梁開平三年歲次武辰謂城爲牆戊爲武者城爲朱誠嫌名戊爲朱茂琳嫌名梁改成汭爲周汭皇城爲皇牆至宋時汭京城外猶沿梁稱州東州西州南州北不言城也韋城相城胙城皆去城字單名縣見魏泰東軒筆錄又搜采異聞錄云梁開平元年司天監上言日辰內戊字請改爲武今北人語多曰武朱温父名誠以戊字類誠故司天諂之耳容齋三筆亦云然不知戊自避茂城自避誠也雲谷雜記嘗辨之戊誠皆嫌名耳五代諱甚煩瑣而周顯德時有

金帶遺高祖十三環金帶者天子之服也高祖大悅蓋古制與後制不同

舊五代史跋

舊五代史輯自永樂大典而以冊府元龜補之底本俱注明嘗以大典史文校冊府元龜多不同知冊府元龜非全用薛史元注應存也梁紀大半出閩位部王建傳全出僭偽部此其尤多者至五代會要則全采薛史薛史外國列傳二昆明部落其俗椎髻跣足酋長披虎皮下者衣氊子闡其俗好事妖神底本注云八千五百二十占城本地鳥之大者有孔雀注云八千四百三十九牂牁蠻其國法劫盜者三倍還賊殺人者出牛馬三十頭乃得贖死注云五千一百五十籤云昆明占城牂牁僅存數語今仍其舊細檢其文乃是四國有于闐也于闐在會要二十

大將軍周景威作十三閒樓于汴水上者其名又奇怪也

武定

五代史云天成元年七月騶虞見武定二年頒永昌憲廣都嘉禾合穗通考云武定二年廣都嘉禾合穗史之武定乃是地名此亦采錄者之疏也

玉帶稻

猶覺寮雜記云帶濶狹以道言當用稻字五代史契丹遺北漢以十二稻玉帶是也鐵圍山叢談云高宗十三年海客得紫雲樓帶金勝大至十二稻老學菴筆記云王荆公所賜玉帶濶十四稻號玉抱肚又云古謂帶爲一腰周武帝賜李賢御十三環金帶一腰其一玉則云一勝唐書李彥芳傳云李靖玉帶十三勝七方六利勝各附環隋書李穆傳高祖爲隋公穆以十三環

移秦州理所於滿城縣舊史晉書杜威傳云領大軍下秦州滿城遂城五代會要契丹云開運二年三月杜威等率兵攻契丹之秦州下之均作秦州舊史郡縣志河北道有秦州云秦州唐天成三年三月升奉化軍置治清苑晉開運二年九月移治滿城周廣順二年二月廢州以滿城隸易州新史職方考於五代有之秦州不載而校新史晉紀杜傳者疑於職方淮南秦州遂改爲秦州幸馬傳不誤耳其後遼別於今郭爾羅斯旗地置秦州至金承安二年移於長春縣則又一秦州與淮南州爲三地新舊史晉出帝紀杜威傳及馬全節傳五代會要其由定州攻秦州凡六七見皆舊史郡縣志之秦州而以秦州改之則一時兵事不可解又以遼之上京道秦州注之其地在長城外讀者亦不能解此馬傳及晉紀以克秦州爲馬功舊史馬傳不載秦

九卷云其俗好事妖神牂牁昆明占城之文在會要三十一卷  
占城多獸之奇者有犀牛七字耳今薛史刊本目錄已補于闐  
然不應次於昆明占城之中宜依會要次序

河北秦州

新五代史殿板晉紀出帝開運二年正月契丹陷秦州三月庚  
戌馬全節克秦州甲寅杜威克滿城乙卯克遂城杜重威傳引  
兵攻秦州破滿城遂城按秦州屬隴西道時契丹不得越河越  
隴越夏而攻秦也馬全節傳則云克秦州虜二千人降其守將  
晉廷謙是晉紀杜傳秦州俱應依馬傳改作秦州舊史晉書出  
帝紀云開運二年三月甲戌王師克秦州刺史晉庭謙以城降  
甲寅杜重威奏收復滿城獲契丹首領并兵士二千人乙卯杜  
重威奏收復遂城丙辰奏大軍自遂城卻退至滿城九月甲寅

叛北挫諸蕃三年十一月丙戌太后誥四方多事三叛連衡又云帝自關西平定之後稍生驕逸周書太祖紀監國教云三叛連衡四郊多壘廣順元年正月卽位制討叛渙於河潼張聲援於岐雍纔旋旆於關西尋統兵於河朔蓋三叛均擾關西若正名之則不得舍河中而稱關西三叛也薛史周書太祖紀謂世宗云朕攻收河府時見李家十八帝陵園蓋三叛收復以河府爲重故太祖并關西二叛之地於河東歐史則并河東之叛鎮於關西述事稱名同一舛誤洛陽摺紳舊聞記云向中令從周祖入關平三叛岐蒲雍其實周太祖僅平河東於關西二叛但爲漢兵聲援藉見李家十八陵園耳宋史大中祥符四年車駕祀汾陰出潼關渡渭河蓋自汴入潼關北渡蒲津漢攻蒲之道亦當如此

州事晉紀杜傳則皆杜功蓋其時杜重威爲副都統都招討使馬爲副招討使馬僅克清苑其秦州之滿城遂城二屬縣及兵士二千人則非馬所及歐史深沒杜功而以滿城之二千人移功於馬殆亦深惡杜重威之爲人而故抑之也

五代漢關西三叛

薛史史宏肇傳云河中永興鳳翔連衡謀叛關輔大擾歐史云河中鳳翔永興皆反關西用兵人情恐懼以河中李守貞發兵西據潼關也薛史王章傳云蒲雍岐三鎮叛周太祖等專事西征及三叛平國有餘積歐史云漢方新造承契丹之後京師空乏而關西三叛作周太祖用兵西方永興屬關內道鳳翔屬隴右道俱在關以西河中乃河東道歐史合三叛言關西於地理不合檢薛史漢書隱帝紀云乾祐二年正月乙巳朔制西摧三

有孟昶與周世宗書姚令威寬注五代史惜未見此據後錄所  
言是姚氏注已有成書王明清及見之又以惜無孟昶書語知  
姚注用裴松之三國志注例也而其書絕未聞癸辛雜志言賈  
似道欲刊姚氏注戰國策未及入梓而國事異矣故其書不傳  
然姚氏戰國策正注補注今行於世莫五代史注遺牒容在人  
閒也讀朱氏彝尊曝書亭集知朱氏亦有注亦用裴例或以爲  
不傳嘉慶癸亥夏在濟南見其手稿卽南監板本夾手書籤千  
七百餘條多碑拓文字又讀王文簡池北偶談云朱檢討言曾  
於廟市見五代石敬瑭家廟碑梁周翰撰文惜未購之此碑今  
不知所在云云今檢其手稿亦無此籤甲子秋見彭文勤手注  
五代史記傳注十六卷亦用裴例其冬爲此學依姚朱彭例采  
書裁貼成編不能校寫也朱籤存者已全采惜姚書未見而孟



書五代史纂誤後

薛居正所纂梁唐諸史本謂之梁書唐書晉書漢書周書各自爲部其稱五代史者以十志言之檢隋書志亦本名五代史志以兼梁陳周齊四朝制度并入隋書因謂之隋志薛則五書與十志並行因從志謂之五代史歐陽脩則自別名之曰五代史記徐度卻掃編李心傳建炎以來朝野雜記周密齊東野語癸辛雜識並言劉道原子義仲作五代史糾謬朝野雜記又言范季才作五代史記正誤王明清揮塵錄言蜀人吳縝作五代史纂誤蓋劉范吳各爲一書今惟吳書存據陳氏書錄解題以宇文時中刻之其板由吳興入國子監故宋史藝文志惟有吳書實則此書應名五代史記纂誤若用今名似是糾薛史矣歐史盛行不能復改宋末人已有爲之注者揮塵後錄云樓大防處

東竟無有爲校者其未審處惟自知之他人未必能察也辛卯正月過揚州宮保病亟矣仍以此書爲言壬辰夏春農商改訂談何容易是可歎矣癸巳九月望天津舟中記

書宋史梁顥傳後

宋史梁顥傳言雍熙二年及第景德元年卒年九十二其卒年數可疑也談苑云梁顥八十二作大魁孔平仲乃治平二年進士作談苑去顥時不遠其言已不實檢遜齋閒覽云梁顥太素八十二歲狀元及第其謝啟曰白首窮經少伏生之八歲青雲得路多太公之二年後終祕書監卒年九十餘梁溪漫志云國初有八十魁大廷者其謝啟殆近乎俳蓋八十二之說所據者此啟宋有梁顥謝及第李清照謝綦學士二啟皆無名子何人游戲作史傳言雍熙二年及第景德元年年九十二則及第時

蜀之書已錄爲可喜歐史本有注署其甥徐無黨名其注於新義隱義以一二語抉之甚精到但未整理文詞耳疑歐自注而署徐名者後人譏其淺陋非也吳之纂誤爲校正之書甚有益於歐史宋人乃謂吳有憾於歐作此書是以小人之腹度君子之心矣眞能覽歐史者知徐注與此書非後人所能及也嘉慶甲子小除夜書於拜斗殿寓舍

今五代史記補注及序目彭春農知其詳姚石甫不知其事謂劉宮保延蘇州王姓王姓不可向邇云云實則宮保在浙日以正燮稿本廣延詒經精舍人校對皆茫然及罷官寓家蘇州又延王君涓校之王君日醉不看書丙子秋仍以稿本還正燮正燮日食不能看書仍還之宮保而阿鹽使爲寫清本未校也越十年丙戌夏正燮仍以還宮保而刻於廣

年在樞府梁顥又嘗與趙同幕五人旦夕會飲夜分方歸都人

諺曰陳三更梁半夜

一作董半夜

以顥及第入仕後少年飲讌言之

此又一證也顥傳少孤而仕歷丁內艱生母也在及第九任後

又顥子固傳卒於天禧丁巳大禮成後年三十三則長子生於

乙酉顥年二十三也子適傳卒於熙甯庚戌年七十則季子生

於咸平辛丑顥年三十九也若七十三及第則七十三生長子

八十九生季子若八十二及第則八十二生長子九十八生季

子不應九十二歲已先卒矣以其家庭實事言之此又一證也

八十二大魁之說前人多疑之然無以證其非今舉四證庶可

祛惑今史傳云景德元年權知開封府顥美風姿強力少疾聞

門雍穆六月暴疾卒年九十二語不相貫知本是年四十二俗

工淺陋校寫者改四作九明陳絳金壘子引朝野雜記作顥及

七十三啟語亦不可用也東都事略梁顥傳云卒時年四十二以推顥及第年二十三建炎以來朝野雜記云狀元年三十以下者梁內翰顥年二十三二書所言其數符合容齊四筆黃氏日抄搜采異聞錄並云國史顥以翰林學士知開封府暴疾卒年四十二史臣加以中道天謝之惜所謂國史史臣乃宋之廷臣卽東都事略所采取者言中道天謝則四十二卒二十三及第無疑就其時廷臣之言此一證也據宋史顥依王禹偁學禹偁咸平四年卒年四十八當雍熙二年禹偁年止三十豈當有七十三八十二之學徒就其所從學言之此又一證也宋史方湛傳云咸平五年湛坐王欽若贓官收湛家貧無物素與梁顥善假顥銀器乃以輸官六年卒年四十一是年顥亦年四十一輩相若相善也玉壺清話云趙昌言陳象輿董儼胡旦俱少

金人攻淮西之廬州張俊地也十七御札趣應援武穆以長驅  
京洛擣其虛及以兵至廬兩議請旣而師至廬州金兵退宋高  
宗以武穆不專進退爲得體則高宗固前已疑之矣其後金人  
破濠州亦俊分地也武穆救之金兵退武穆與俊在淮俊欲城  
山陽武穆言當圖恢復柰何爲退保計俊爲之失色是年四月  
自武勝定國兩軍入爲樞密副使八月罷樞密以武安安國兩  
節充萬壽觀使奉朝請十月下獄十二月在獄死初張俊盜也  
就撫立功爲大將與武穆同事惡武穆功名出己上則誣武穆  
欲棄山陽万俟卨者武穆宣撫荆湖時湖北轉運判官改提刑  
者也武穆遇卨不能以禮宋鑒唐五代亂專重文臣自宋以後  
文臣疾視武臣宋之曹瑋狄青曲端明之戚繼光李如松毛文  
龍皆爲當世僞名雅人君子者所媒蘖卨亦欲抑武臣殺武穆

第時二十二則年數不合又譏程敏政引宋史四十四登科不知何宋史知後人讀史多不精矣

范純仁傳

宋史范純仁傳蘇軾發策問爲言者所糾韓維無名罷門下侍郎補外純仁言蘇軾無罪維盡心國家不可因譖罷官考證云無名二字有疑案韓維傳維處東省有年有忌之者密爲讒愬詔分司南京尙書右司王存抗聲簾前曰韓維爲罪莫知其端臣竊爲朝廷惜宋時授官制詞俱言陟降之由謂之詞頭卽名也所謂無名者其罪莫知其端制亦不言但與軾同論正如明楊繼盛與張經李天寵刑部同承旨耳

岳武穆獄論

岳武穆以紹興十年在河北奉十二金字牌文書班師十一年

觀之論獨一秦檜公任其事宋高謂其樸忠孤立所謂一德格天者也宋高之才十倍於檜和議本自主之欲和議成不俟殺武穆所以殺武穆者非爲和議也正以尙俊言示逗留之意與跋扈之誅殺之有名可以駕馭諸將又惡其議迎二帝不專於已故殺之秦檜之忌趙鼎以有爭也武穆無作相望亦甘心殺之者檜知俊尙與武穆終不能合收拾民望得二而失一爲無害也今謂檜翼和議之成則宋高以苗劉之事舉不自信其臣建炎三年五月八月兩致粘罕書自署康王趙構而稱粘罕爲元帥至不敢別署金宋且言守則無人奔則無地削去尊號天地之間皆大金之國其已臣金可知明年十月檜始南來安得以請和稱臣爲檜功罪然而武穆以紹興十一年十月下獄而和議以十一月成致有兀朮與書之說兀朮以粘罕例當以書



以自附于文雅入爲右正言則倡言諸大將起行伍知利不知義畏死不畏法當示以逗留之罰因劾武穆受詔逗留不救淮西又欲棄山陽俊鹵旣合以棄地失律坐武穆又合謀誣武穆子雲與張憲虛申警報圖復兵柄事涉跋扈嫌疑適秦檜欲示威固位故武穆事不白武穆傳云韓世忠詰檜以實檜曰雲憲書雖不明其事體莫須有世忠曰莫須有三字何以服天下莫須有者莫一言也須有一言也檜遲疑之又言有之世忠截其語而合之以誣檜鹵俊之妄其後檜惡鹵而謫之又惡俊而竄之小人之黨離矣檜死鹵相事反檜獨至議復武穆官鹵言金方願和一旦錄故將疑天下心不可天下於是咸知鹵實殺武穆檜謂武穆難制故聽俊鹵而適符宋高之意宋高通觀大勢不可不和而君父之讐不敢居其名羣臣又內荏色厲多旁

納無敢入者軍號凍死不拆屋餓死不虜掠檢章穎岳飛傳亦有之然云建炎四年飛屯宜興夜飲士卒以酒激厲而用之至承州大捷又云尊酒必均及其下酒少則投之以水人各一啜焉又楊再興傳有云紹興二年岳飛入莫邪關第五將韓順夫解鞍脫甲以所虜婦人佐酒再興率眾入其營殺順夫又殺飛弟翻然則岳武穆軍律之嚴整在紹興二年以後初蓋以運用一心而不喜言兵法不可以事證不同致疑古名臣也

碧雲巖題名跋

廣西平樂府富川縣碧雲巖宋人題名云古汴趙善政養民罷權臨賀郡丞趨入桂以乾道己丑二月十一日止富川十三日扯邑宰共山張重起伯振丞南城李紳元章警開封石士強宗周簿舒城阮瀚北海云云警官不見史志或言當是巡檢宋京

詰康王豈屑與檜書者且檜方坐武穆以逗畱跋扈之罪豈肯  
予以梗和美名卽有書亦不以示人人何由知之此宋人惡檜  
以岳雲莫須有之書殺武穆而亦造兀朮莫須有之書以報之  
此人心之至偏卽人心之至公也夫以宋高之沈鷺秦檜之姦  
深而俱爲万俟卨張俊所愚張俊際無妄之時而自害其成万  
俟卨以輕薄之才而勇任妒賢害能之責秦檜能知宋高有偏  
安之才可藉以取富貴而誤殺飛宋高才可兼用秦檜岳飛而  
誤殺飛至死無以見君父兄妻棄君臣父子兄弟夫婦四大倫  
以負萬世之詬厲也亦獨何心哉

岳武穆軍律

宋史岳飛傳云少豪飲帝戒之曰卿異時到河朔乃可飲遂絕  
不飲卒有取民麻一縷以束芻者立斬以徇卒夜宿民開門願

上也於富川更有徵矣或曰宋自有鎮砦官何因名警曰此修飾文辭也徧檢宋官無所謂郡丞邑宰者亦賀州州判富川縣令修飾文辭之稱郡丞邑宰警同也

金強仲爲警巡使天興元年三月事

### 宋景定公田說

宋景定四年公田食貨志云陳堯道曹孝慶虞處張希顏等請依限田議於官民踰限田抽三分之一回買充公田得千萬畝則有六七百萬斛之入可餉軍可免糴可以重楮其意甚善卽古之屯田後之屯衛而收以官田法燕慕容皝載記封裕言魏晉世假官田牛者稅其十六自有牛中分之蓋三國時各都尉所治如此倣民間收租法民間田主與佃各得十之五田主輸公去十之一猶得十四以充公私之用官屯必係官田而後可用此法以贍軍亦不厲民也志云賈似道一意行之浙西六郡

師有警巡院聽訟如明兵馬司史志諸州上中下縣令丞俱從八品從政郎諸州上中下縣簿尉俱從九品迪功郎一州一縣巡檢則云掌訓治甲兵巡邏州邑擒捕盜賊事皆以材武使臣充是無定品與州帶巡檢者不同或言當是鈐轄司都監檢志云縣有戍兵則令兼兵馬都監及監押都監巡檢俱不當在丞下簿上檢開封府志祥符縣志俱無石士強名或石守信後武賚也宋職官志有防禦團練副使從八品與令丞同階然是州官不當敘縣下此所謂警者蓋當縣武官也宋史兵志六云廣西路賀州二砦注云臨賀富川職官志有鎮砦官無定品則富川有鎮砦官與他縣異五代史周書太祖紀廣順二年七月丁酉詔有令佐之職軍鎮警察之職各守職分專切提撕宋沿周法鎮砦官卽警察也令佐警察各守職分警可與令丞比在簿

亟未能施行其所入元時承之不改大德三年閏復因星變上書言江南公田租太重請減以貸貧民明洪武十三年建文二年宣德五年遞減之而租仍視他處爲重明人謂是洪武惡浙西人爲張王守特重其賦乃傳譎洪武初亦知浙西賦重以張士誠恃富未遑加恤則有之也

金海陵采石之敗證

金史移刺子敬傳云宋人自來浮詞相欺來書言海陵敗於采石大軍北歸按兵不襲俾全師而還海陵未嘗敗於采石其譎詐皆此類也按海陵紀云上駐軍江北遣阿鄰先渡江至南岸失利上還和州是敗於采石也又見佞幸李通傳尤詳云海陵使阿鄰阿撒先濟兩舟先逼南岸水淺不得進與宋兵相對射者久之兩舟矢盡遂爲所獲亡一猛安軍士百人海陵遂還和

回買公田租滿石者二百貫六斗者百二十貫五千畝以上者價十分銀半分會子二分半官告度牒七分五千畝以下銀半分會子三分半官告度牒六分千畝以下度牒會子各半五百畝以下皆會子是歲田事成每石官給止四十貫而半是告牒民持之不得售按其法本以重楮則會子之給亦權宜之制而雜以告牒又一切予以畝二斗之價而所謂銀半分者據賈似道傳則亦銀關銀關一兩當會子錢三貫亦皆空紙也又買價止二斗而起租七八斗者皆謬以石爲收課負租仍取償田主其厲民至爲纖密又似道傳言畝值千緡者亦給四十緡按不當有畝千緡之田食貨志亦不載此數蓋凡相攻擊者君子小人各務搆虛以相誣此所以不足取信於人而是非終於無定也德祐元年春謝太后詔以公田給還田主令率租戶爲兵時

德旺死清平郡王子暉立據宋史言兼采夏國樞要等書宋金  
史皆脫脫修纂修者各稽討編撰不相關知也

金記缺改字

金史金卽康傳云宣宗問卽康曰賈鉉言太宗諱單作成字不  
當缺點畫睿宗諱改作崇然下有本字全體當依蘭亭帖下示  
作未充字合缺點畫如統旁之充不合缺卽康擬以熙宗諱從  
面從且睿宗諱上字從末下字從世世宗諱從糸顯宗諱正犯  
字止作斜畫至沈銳各從口兒說各從本傳讀之驟不解蓋賈  
說充當作允允上當有顯宗廟諱四字孫說下字從世當云從  
卉字各有形式以一切書之不能解矣太宗誠字缺筆單成則  
不煩缺熙宗亶本從面從旦而改作面與且今人俗別猶沿之  
顯宗允上呂字楷作厶初缺筆後改從口其單字從口似兒則



州卽宋史虞允文傳所云抵南岸者七十艘皆平沈者也然云  
明旦又於北岸楊林口焚其舟三百則金人所不悉矣

書金史百三卷後

金史百三石抹仲溫考證云臣浩案元史石抹在遼爲述律氏  
號稱后族遼亡遂譌述律爲石抹氏按其語見元史石抹也先  
傳其文作述律作石抹實卽舒穆魯也然金史九十一有石抹  
卞傳石抹榮傳此考證不應在百三

書夏國傳後

夏事宋金史不同金史夏國傳云安全薨族子遵頊立遵頊立  
在安全薨前一月衛紹王無實錄不知其故又云遵頊子德旺  
死嗣立者史失其名按宋史夏國傳安全有子曰承禎而齊王  
子遵頊立亦不言其故蓋遵頊不以其道得之今不能實知也

氏宗族女佳麗者二人盛妝欲納丞相丞相卻不受卽遣歸其家十三年正月甲申至皋亭山丞相娘子來到觀此則宗女及次妻之說騙脫者初亦以爲真有益旣知所聞不實乃隱金帛僞作回奏云

書元史麻志後

元初用西征庚午元法至定中原不復行至元四年西域札馬魯丁撰進萬年法十七年定用授時法十八年頒行以後皆用授時庚午元未行於中國志猶載其法萬年儀器猶見天文志而麻志云法不復傳檢明太祖御製文集壬戌十二月有授翰林編修馬沙亦黑馬哈麻敕云大將入元都得祕藏之書數千百冊中國無解其文者云云明史麻志亦云回回法默納狄國王馬哈麻所作洪武初得其書於元都十五年太祖謂西域推

斜畫作允也睿宗之宗增作崇以有全字在故下示改作末世則以三十作卅其世宗雍則改夕爲系作雍狀蓋以文記字最難宋史禮志廟諱云嘉定十三年岳珂言欽宗舊諱二字一從面從旦一從火從亘記字當如彼也

趙孟桂事

癸辛雜識後集云宋乙亥歲國事將危忽傳當塗孟之縉妻趙氏孟桂見爲伯顏丞相次妻者朝廷以太后命遣以金帛俾贊和議得其回奏又復賜以手詔繼而寂然孟桂乃趙忠惠與簾之妹亂後爲尼於湖州廣福寺改名子桂無爲伯顏次妻之事蓋姦人造爲此說騙脫金帛朝廷間探不明耳按其事譌傳亦有因乙亥者宋德祐元年元至元十二年也平慶安丙子平宋錄云至元十二年正月戊子丞相在江州有安撫錢眞卿選趙

元得江浙由河漕於大都至元十九年以其勞費丞相巴延以前平江南時命張瑄朱清由海道送圖籍海運可行命上海總管羅璧朱清張瑄等以平底船六十運糧四萬六千石逾年達直沽時猶兼河漕也二十四年立行泉府司掌海運二十八年立都漕運萬戶府二領千戶百戶等督運至大四年乃專用海運其道初自平江劉家港入海由通州海門縣黃連沙頭萬里長灘開洋沿山嶼行抵鹽城歷西海州海甯府東海縣密州膠州界放靈山洋投東北多淺沙行月餘始抵成山後改由劉家港開洋至掌腳沙轉沙嘴至三沙洋子江過扁擔沙大洪又過萬里長灘放大洋至清水洋又經黑水洋至成山過劉島至之罘沙門二島放萊州大洋抵界河口至元三十年千戶殷明略開新道從劉家港入海至崇明州三沙放洋向東行入黑水大

測天象最精其五星緯度又中國所無命翰林李翀吳伯宗同  
回回大師馬沙亦黑等譯其書多脫誤習其術者如唐順之陳  
瓌袁黃輩所著論又自成一家人言以故翻譯之本不行於世藝  
術傳云周述學撰大統萬年二法通議以補歷代之所未及是  
萬年本法嘉靖時尚在又案陶宗儀輟耕錄云耶律文正於星  
麻筮卜雜算內算音律儒釋異國之書無不通究嘗言西域憲  
五星密於中國乃作麻荅把憲蓋回回憲名也是回回法本有  
漢書明初人不知之明初譯出漢書則在元史既成之後先是  
耶律文正麻荅把法增益庚午元法萬年法而爲授時法所本  
作元史者謂萬年不傳豈有庚午元法尙在萬年器存法反不  
傳蓋史遺漏多矣

相沿已久不可復議其源流則不可不知也明制藉田九十六畝有奇親耕一畝三分築太社壇合天下土十三萬勛陵寢牆一百四十三丈清明上陵增土十三擔以其時十三省一千三百餘城也乾隆三年禮臣議以康熙三年用明制清明增土十三擔明制并無取義今請增土一擔此禮臣一時未檢之言然十三擔實不如一擔也會典始於明蓋合唐五代宋會要元大典禮章而名之曾見三部宏治十五年會典例云臣下所奏則書曰奏准曰議准曰奏定曰議定正德四年表上刊本云制異典禮宜於今而不泥於古法殊紀傳敘其事而不錄其名此會典之異於會要典禮章爲明人創例也嘉靖重修萬厯重修皆因之推原其意事瑣時近策之得者爭欲附名其失策當載者又競求隱諱不書名誠善法爲元以前人思慮所未及然諭旨與

洋取成山轉西至劉家島又至登州沙門島入萊州大洋入界  
河於道最便在徑趨黑水洋也時春夏二運爲米三百餘萬石  
船壞棄米則責償於官人船俱溺者免償明永樂時會通河成  
罷海運

國朝康熙四十二年大臣錢齊保葉舒往天津截漕九萬石由  
海運登萊青三府平糶嘉慶九年正月浙江巡撫議奏海運不  
敢輕試十五年四月江蘇巡撫議奏海運不便道光六年用殷  
明略道官僱沙船二運抵天津百五十萬石七年又行之其後  
崇明海口淤小凡船大者俱南由上海崇明以南洋深以北至  
天津多沙故用沙船底平也巴顏用平底船六十是也

答葛君宗昶書

宋新出書影印圖錄

論

詢及明陵增土十三擔有無取義今會典不書人名之故此專

置大禮不問使開寶皇后終於公主家而斂於佛廟其時承五代亂臣民習見悖逆謂太宗待太祖后禮隆於諸亡國后以爲是亦足矣太宗固不必出一說以文飾之也南宋高宗率羣臣遙拜欽宗禮也中丞廖剛者請刪此禮文曰兄爲君則君之已爲君則兄之可也其言悖逆無禮夫始爲之弟後爲之君則兄之可也始爲之臣後繼其統而爲君則君臣之義在豈得僅視之爲兄而棄君臣之大倫使人心盡喪乎明世宗不爲君母服至託言叔嫂無服是君臣大倫亂矣且爲後古禮不名爲子者以有弟後有從孫後且有以兄後者故名之曰爲後而後統可不絕喪服斬衰傳爲所後之祖父母妻妻之父母昆弟昆弟之子若子喪服記爲人後者於兄弟降一等報於所爲後兄弟之子若子此兩言若子則不正名爲子然言若子則所後之妻若



序事中人名何可剛乎倘執筆者心知其意無改成書之大例則書完可存異議亦息矣乙丑四月二十四日大業當歸漢人  
典文明倫大典典章典則大略  
明世宗之奉興王也其言曰在藩邸時奉詔繼大統未奉詔繼  
孝宗後此言雖智者不能與之辨也然喪服斬衰章爲人後者  
傳曰受重者必以尊服服之齊衰三年章爲人後者爲其父母  
報傳曰尊者尊統上卑者尊統下大宗者尊之統也則繼大統  
卽是繼後世宗爲武宗後應以尊服之今云繼大統而興王祐  
杭入太廟是大統亂矣嘉靖十四年正月武宗孝靖毅皇后夏  
氏崩本世宗君母也當爲臣子服按晉崇德太后褚氏崩於孝  
武爲從嫂或疑其服徐藻以爲夫屬父道者妻皆母道豈可敬  
之以君道而服廢於本親其言是也至宋太宗始爲殘忍之事

報至乃乙酉蓋術官算麻是月差一日實在丙戌也其占驗奇中多若此此所謂鐵冠道人者也其事反復推之皆謬若云初一初二可云差一日今排甲子安得云差一日又實乙酉而名丙戌可云是月差一日今實丙戌而仍名乙酉當名是月先複一日不得反云差一日蓋明時淺人傳聞記載之誤明史稿及明史俱未致思而漫錄之

### 正德禁殺豬

傅維鱗明書武宗紀云正德十四年九月上次保定禁民間畜豬著爲令十一月住清江浦十二月辛酉住揚州乙酉渡江十五年南京四月弛豬禁毛奇齡武宗外紀云正德十四年十二月至揚州所至禁民間畜豬數百里內屠殺殆盡田家有產者悉投諸水是歲凡祀牲有司輒以羊代之其事甚奇又毛外

母也所後之父母若祖父母也若前爲之臣則當以君服服之  
嘉靖二十年孝宗孝康敬皇后張氏崩亦世宗君母也其稱皇  
伯母所謂自制禮也其說則自相反初議興王妃稱皇叔母世  
宗言稱叔母當以君臣禮見然則君母孝康稱伯母君母孝靖  
稱嫂反使以妾禮見乎禮志不能詳其沿革今按大明會典七  
十四云國初箋表若天子之姪稱皇后曰伯母皇后殿下叔母  
皇后殿下至嘉靖開始令各王府進賀表箋但用聖號不許用  
家人禮然則嘉靖以前叔母皇后是君禮非妾禮世宗自以臆  
改之而稱孝康爲伯母稱孝靖爲嫂以君母爲臣妾至不爲君  
母服如易代者然人而不仁如禮何也

張中

明史方伎張中傳云南昌被圍太祖問何日當解曰七月丙戌

人愆愆之託之國姓朱武宗亥生故有此鈞帖回人不欲見扈從者持豬肉鈞帖止行一路外紀言數百里內爲當時事實鈞帖不行刑部內閣明書言著爲令非也

釋社

日知錄謂社是盜賊之稱明學士稱同社不知其意其論甚快今案社歇後語也祭社會飲謂之社會同社者同會也古有蓮社直齋書錄解題有孫覺春秋經社要義六卷宋史孫覺傳云胡瑗弟子千數別其老成者爲經社吳自牧夢梁錄云文士有西湖詩社武士有射弓蹋弩社又有諸集社名目元有白蓮社月泉詩社明復社多八股語錄幾社多奇士偉人我朝順治九年禮部頒天下學校臥碑第八條云禁立盟結社十七年正月又以給事中楊雍建言禁妄立社名及投刺稱同社

紀以九月爲十二月檢明沈德符野獲編云正德十四年十二月行在兵部左侍郎王憲鈔奉欽差總督軍務威武大將軍總兵官後軍都督府太師鎮國公鈞帖照得宰豬常事但當爵本命又姓字異音同況食之隨生瘡疾深爲未便爲此諭豕牲不許喂養及易賣宰殺如若故違本犯并當房妻小發極邊永遠充軍其事如此蓋九月在保定發鈞帖十二月又在揚州鈔奉示諭南方始知之沈毛乃南人紀載也沈謂宋徽宗以壬戌生亦禁殺犬而黃光昇昭代典則云豬音同國姓且信佛法也各處城市鄉村居民所養豬口盡減價賤售小豬埋棄蓋速殺賤賣其云信佛法則何不廣言牛羊雞犬武宗通梵語其豹房實多回人又未有子嗣孫真人千金方言豬肉久食令人少子食忌云豬腦食之損男子陽道臨房不能行事蓋武宗有所感回

朝順治九年雍正元年乾隆二年皆官立社學則實社中之學也學生有五等學生亦曰廩生一也增廣生二也附學生三也青衣附學生四也社學俊秀生五也今學政寬無青衣俊秀未入學者皆結銜俊秀凡社學皆稱義學

立後承廕

明時內監廕襲若王振劉瑾魏忠賢其姪孫等名皆眾知之蓋以人惡之詳記其敗耳實則漢唐皆如此後漢書順帝紀云陽嘉四年初聽中官得以義子爲後世襲封爵唐李中敏判仇士良子請廕狀云開府上階誠宜廕子內謁者監何由有兒遂駁其事此乃士人強壓小人欺其愚很而不知辨內監實有子如楊志廉子欽義孫元翼元价元實曾孫復恭皆非養子也推原古事無子者可以立後但不當使內監廣援爲例王羲之有問

同盟則以八股牟利假借社名也十六年例則士習不端結社訂盟者黜革康熙二十五年查革社學雍正三年定例拿究皆非社而冒稱社俗之敝士通文曰詞壇曰吟壇亦社壇也若在官者養則有社倉教則有社學明重修會典卷七十六學校一事例云洪武八年詔有司立社學十六年詔有司不得干與民間社學正統元年詔社學俊秀向學者許補儒學生員春明夢餘錄府學云萬曆初改提督學校官敕諭凡提督去處卽令有司每鄉每里俱立社學年一考校仍免爲師之人徭役明史選舉志云社學自洪武八年延師以教民間子弟兼讀御製大誥及本朝律令正統時許補儒學生員宏治十七年令各府州縣建立社學選擇明師民間幼童十五以下者送入讀書講習冠婚喪祭之禮寢不舉行我

于謙獄論

張夏維閩源流錄注云萬曆甲辰九日東林會講克伐怨欲章  
劉念臺尙論古人微不滿於薛文清瑄曰于忠肅臨刑文清時  
在內閣于初擬極刑因文清言擬斬所以文清不久去位止此  
事已不能安其位矣會中人因曰此會可以千秋黃宗羲明儒  
學案師說云于肅愍獄係當朝第一案功罪是非而先生僅請  
從末減坐視忠良之死而不救而先生亦已慚不自得崔銑松  
窗寤言則云于忠肅有社稷之功其受害也先生固爭之矣使  
爭不得卽以此事去尤爲光明俊偉謹案于謙被害主之有人  
謙被執後薛瑄始入閣位非首輔次輔而諸儒生私議必以于  
謙事責之薛瑄是謙罪名之定必當於此求之檢閱禹錫薛先  
生行狀李賢薛文清公神道碑均不涉于公事惟再述王文陷



蜀都帖云揚子雲有後否沈作詰寓簡以爲似誤問亦不知是立後也又宋林氏有稱逋後者逋不言有子人多譏之時有林洪者字可山著書名山家清供中稱先人和靖先生種梅養鶴圖說稱七世祖逋無名子詩云可山認作孤山種恐是瓜皮搭李皮又施樞有讀林可山西湖衣鉢詩云只道梅花全屬我不知和靖有仍孫亦譏之也今思其說有二一是同姓先哲楊修言我家子雲不必祖孫林逋有兄子進士宥宥子知蘄州大年實一家也一是立後禮所謂爲人後是也而人獨與林洪競者檢羸奎律髓注云謁客千求一二要路之書謂之濶匾錢塘湖山此曹什伯爲羣如林可山洪口吻可厭梅磻詩話云泉南林洪刊大雅復古集無名子嘲之然則洪自品下譏之者亦欺其

愚很而不知辨非謂林逋不可有後也

王然則謙之罪由王文辨成之蕭維禎比附之薛瑄滅之也會  
訊時尹直瑣綴錄雷禮國朝列卿記言尹夏出位拳踢于謙呼  
爲姦臣張軌徐有貞又意主殺謙石亨蕭維禎從而和之其時  
兇兇藉藉然張鼎楊鶴薛文清年譜云天順元年正月二十二  
日同列皆衣紫將刑于王先生曰此事人所共知各有子孫乃  
滅凌遲一等明史薛瑄傳云亨議以磔瑄力言之二日滅一等  
野獲編云刑官奏上二日得旨于謙王文從輕決了去其手足  
罷明儒學案云先生謂同列曰此事人所共知各有子孫石亨  
奮然曰事已定不必多言先生見上言復登寶位天也今三陽  
發生不可用重刑詔滅一等先生退而歎曰殺人以為功仁者  
不爲也蓋瑄救謙之力竭矣至六月猶以謙黨殺蔣琳至滅范  
廣家明史邱濬傳云修英宗實錄有言于謙之死當以不軌書

薛欲致之死核其時事英宗正統九年陳循入閣十年高穀入閣景帝景泰三年增閣臣陳循舉蕭維禎而高穀舉王文太監王誠助之景帝用文八年正月英宗復位薛瑄入閣都御史蕭維禎文致獄辭坐王文于謙謀逆凌遲示天下是年改天順元年其六月瑄致仕天順八年瑄卒其事如此當此時姦人謂不以王文于謙爲謀逆則英宗復位爲無名蕭維禎實主刑獄因緣復位事殺王文王誠以泄已不入閣之憤因以及謙人亦疑瑄爲大理少卿時辨冤獄文長御史附王振處瑄以斬罪瑄此時亦處文斬罪因以及謙而不虞其卽決也今推王文獄詞謂名襄王當有金牌謙則笑言石亨輩意如此不知詔言欲召襄王但有謀耳不必金牌爲證且金牌時實不見事後始得之詳見陸容菽園雜記及明史襄王傳文之獄詞適以自證謀名襄

有才氣楊漣亦湖廣人忠直有聲元標當忠賢時長御史自以  
委瑣不出一言愧廷弼與漣又以廷弼漣湖廣人也而惡之勘  
遼案遂誣廷弼虧餉行賂壞邊疆法當死於是廷弼死漣亦牽  
漣以死其時遂有盜柄東林夥及夥壞封疆錄天鑒錄之作然  
而廷弼以天啟五年八月壬寅死元標先二十日壬午爲民  
亦不能求底于魏忠賢也時論謂元標惡湖廣人則江西人必  
護之實則助元標攻楊漣者江西僅一傅櫬而廷弼之死元標  
同縣李公元鼎經紀其喪南昌劉公一燦去國日爲王安熊廷  
弼暴白其冤廬陵有葉君文成者作讀史隨筆曰元標講學東  
林乃成此昧心之獄謂之昧心知其隱矣櫬之附元標櫬之父  
老秀才也切責之見臨川縣志是江西有公論除櫬外無護局  
者黃宗羲明儒學案載元標言廷弼法當死且請緩之其意深

者濬斥之則英宗時議論可知瑄亦不幸當其時入閣也

熊廷弼獄論

熊廷弼獄是非已定其成之者鄒元標也元標爲都御史負入股文重望與王紀周應秋勘熊廷弼王化貞案王紀右廷弼而元標應秋竟殺廷弼而坐視楊漣死元標本意不問兵事是非及扣餉行賄有無也元標者入股文外亦著書有三遷記初以江陵故受杖戍都勻過辰溪有與道尊江書云有爲不佞謀者曰湖北江鳳翁名世重望望賜一力衛我出境江不答此公後竟以他事去官至鎮遠府守王一麟者楚人也來訪堅卧不起王呼而入曰公楚人我耶皆元標自筆於三遷記者其不忘楚人可知禮部尙書徐學謨初知荊州荊州人愛頌之元標起官卽劾學謨是并湖廣人所稱許者亦及之矣熊廷弼以湖廣人

朝廷非禮也其言啟新罪過大率如此

鄭翁正變理初

御史差

順治時用部主事中書舍人行人評事博士假御史銜巡按七年裁後又添差十年鄭親王濟爾哈朗請罷巡按御史十八年六月刑部咨會各省巡察事擬各直省巡按事務交付巡撫又巡撫御史始順治十四年中停止又設道光二年冬停止其差監御史則先設在京員曰監政規舉御史與長學道改差京員曰學政道察處三省改差一盛京侍郎巡按御史盛京道帶按察使銜

察使銜

御史差

癸巳存稿卷八終

正七年遊給事中正五年御史劉

而險亦知公論不與卽已亦不能護局也則又何必以張文忠之故而枉害二賢也哉

陳啟新事證

陳啟新淮南人明崇禎九年二月以武舉上書請停科目行取考選蠲災傷田賦及專拜大將得便宜行事擢授吏科給事中其說三事固未行也朝士由科目行取者欲得武臣賄者深惡之嗾一江西人爲部吏者劾之以爲我科目中人不屑與爭也後乃其謀陷啟新以受賂匿喪革職下撫按追贓啟新不能校然竟逃去嘗以淮南武舉陳啟新新安所千戶楊光先爲崇禎時二奇人而崇禎十年四月光先劾啟新以此得杖戍遼西則光先誤受他人唆使今見孫之騷二申野錄云丙子冬百官朝

帶貂煖耳陳啟新詭示其貧以布作褊近臣虧班聯之體以羞

癸巳存稿卷九

黜俞正燮理初

御史差

順治時用部主事中書舍行人評事博士假御史銜巡按七年裁後又添差十年鄭親王濟爾哈朗請罷巡按御史十八年六月刑部咨會各省巡察事竣各直省巡按事務交付巡撫又巡漕御史始順治十四年中停止又設道光二年冬停止其巡鹽御史則先改差京員曰鹽政提學御史與提學道改差京員曰學政巡察東三省改差盛京侍郎巡臺御史臺灣道帶按察使銜

御史道

舊例御史七品雍正七年改給事中正五品御史由翰林郎中



已於前卷八終其節已矣不復備局也則又何必以張文忠  
之故而枉害二賢也哉

陳敏新事語

陳敏新淮南人明崇禎九年二月以武舉上曾闈傳科目行取  
考選滿來傳因獄及專拜大獄得開宜行舉選授文科給事中  
具說三事四未行也朝士曰科目行取吾輩得武臣備者深  
之勝一江西大爲部吏者勸之以爲我科目中人不得與手也  
後乃其謀陷敏新以受賄賂喪事獄下因長追絕敏新不食  
敏新遂去皆以淮南武舉陳敏新事於戶部大先陳敏新  
明二奇人而崇禎十年四月光先勅命敏新以此相校敏新  
光先誤受他人唆使今見孫之賤二申野錄云丙子冬百官朝

陳敏新事語其言頗有異議大率敏新之

查痘章京

國初有查痘章京理旗人痘疹及內城民人痘疹遷移之政令久之事乃定康熙時俄羅斯遣人至中國學痘醫由撒納特衙門移會理藩院衙門在京城肄業西洋地氣寒其出洋貿易回國者官閱其人有痘發則俟平復而後使之入蓋其氣始於南洋今徧及也伏讀

聖祖仁皇帝御製文集康熙六十年

諭今王大臣等爲朕御極六十年奏請慶賀行禮欽惟

世祖章皇帝因朕幼年時未經出痘令保母護視於紫禁城外父母膝下未得一日承歡此朕六十年來抱歉之處

孝陵告祭文云伏念臣昔在沖齡時防出痘遂依保母居於禁

外

員外郎補者正五品由主事中書行人大理寺評事太常寺博士行取知縣補者正六品乾隆二十八年定御史爲從五品以編修檢討郎中員外郎四項人員補授舊制六科屬通政司登聞院屬都察院以一御史一給事監之雍正時改隸如今制舊例布政司參政道三品按察司副使道四品布政司參議道按察司僉事道五品順天奉天府尹正三品外知府正四品乾隆二十八年去道兼銜定爲正四品外府知府爲從四品

門符

雍正四年作陽文符三藏

大內陰文符三一交步軍統領一正陽門一西直門

城外坊

乾隆三十一年定四城副指軍多註城外

神牌東案陳設

御製文集西設

寶座殿額爲

慈容儼在而不記其所由賴恩福堂筆記知之又生身內外札薩克王公未出痘者亦不至京城也

樂部

初制教坊司有奉鑾其屬左右韶舞司樂共四人協同官十人併長無定員雍正時改和聲署禮部內務府太常鴻臚皆領之今太常協律郎五人司樂二十三人有神樂觀提舉神樂署署正署丞官太常樂員本最多乾隆七年汰之始

命王大臣總領樂部王一人尙書一人侍郎二人皆兼官也其神樂署隸太常和聲署隸禮部及內務府緬樂亦隸之什榜處

父母膝下未承一日之歡此臣六十年來深疚負歉者也故正月  
初七日二月十一日因念忌辰之前慶賀皆不敢受  
聖製文如右今

西華門外福佑寺坊書澤流九有傳為雨神廟實梵宇也後殿  
供奉

神牌書

聖祖仁皇大成功德佛九字背面書

聖製五律一首其寺本為當日保姆護

御之邸見恩福堂筆記當由內府記載與

聖製禁外文合又讀

欽定日下舊聞考福佑寺在西華門北街東謹案稱前殿為慧

鐙朗照正殿中奉

入直後高授侍講勵授編修三十三年五月  
命翰林院詹事府國子監官日以四人至

南書房承直其後專用翰林嘉慶年間用趙秉冲廕生也雍正  
元年設翰林司官定稿說堂今辦事翰林也五年督學部郎以  
出身原甲第兼編修檢討銜乾隆二年修撰編修檢討俱掛數  
珠二十二年裁司經局正字五十年裁滿洲侍讀學士侍講學  
士二缺侍讀二缺大考補授難其人也五十四年裁詹事府官  
兼翰林銜

館假

夢溪筆談言宋館閣每夜輪官一人直宿有故則豁宿例子宿  
廨名位下書腹肚不安免宿故館閣宿廨相傳謂之害肚廨其  
具文可笑也庶常館請假向俱請病假以翰林省親例須食俸

蒙古樂舞則隸侍衛處其中和樂處太監八十二人則隸內務府掌儀司祭

先蠶樂乾隆七年作祈雨報雨樂章乾隆十八年作祈雨報享月律乾隆五十一年增祈晴報晴樂章嘉慶十二年作凡樂名梁以雅北齊隋以夏唐以和宋以安金以甯元郊社以成宗廟以甯明以和有奉鑿其韻法古樂其同樂其四人新同言十人本朝以平

翰林官

孝陵碑言

世祖於景運門內建直房令翰林官入宿備顧問順治十七年也康熙十六年十月

聖祖始設南書房以侍讀

員應略曉文案至專闢大員尤宜明曉屢訓飭之

武階

康熙四十八年十月丙午其文武養千歲聖祖諭曰故抑武人是明代陋習武人粗鹵不宜抑之太甚凡治天下之道當以和平爲貴也乾隆五十一年七月初十日高宗以文臣十八階武臣止七品又自從一至正七止十二階初武正從一品俱封榮祿大夫合爲一階正二至從五俱封將軍嗣俱改爲大夫乃

欽定武職十八階正一至從二封將軍正三至從九分別都尉騎尉校尉其加級降級俱以正從各計

墨爾根王府述

墨爾根王爲睿親王爲攝政王當時稱爲台星可汗九王見毛



六年後也嘉慶十五年六月己酉庶吉士多具病呈  
上疑之大臣以實對乃定制不拘論厯俸其省親及資斧不給  
回籍措費者據實呈明除去往返程途定限在家居住四個月  
起咨銷假

武殿試

武殿試始明崇禎四年

本朝因之康熙三十二年四月壬辰

諭武鄉會試舊例以八十步爲則後改五十步中二箭爲合式  
殿試射的亦改爲五十步嘉慶十二年

皇上以武鄉會試內場非真能自作徒爲弊藪

命大臣會議裁內場文論但默寫

聖諭廣訓及武經至旗員不識漢字者不得保舉綠營綠營人

雍正二年十月封朱之漣一等侯世襲人丁入正白旗明代王裔或作遼王裔誤雍正元年九月乙酉

上諭云近於

聖祖仁皇帝書笥內檢得未經頒發

上諭一道欽此雍正五年

世宗憲皇帝御製

景陵聖德神功碑云前後南巡親祭明孝陵者三又欲封其後

裔俾承世祀予小子祇奉遺言錫之侯爵乾隆十四年八月世

襲定名一等延恩侯

史記孔子世家後識語

孔子卒後六世孫斌爲魏文侯相漢高祖時孔子十世孫藁以戰功封蓼侯十二年高祖幸闕里以太牢祀孔子諸侯卿相至

奇齡後鑒錄順治七年十二月二十日至八年二月二十日尊稱成宗義皇帝其後撤爵封今世襲墨爾根王府在東單牌樓石大人衚衕乾隆時所立也其舊府據恩福堂筆記在東安門內之南明時南城今瑪哈噶喇廟按日下舊聞考普度寺在裏新庫北謹案稱睿親王府康熙三十三年建瑪哈噶喇廟乾隆四十一年始名普度寺本明南城舊宮今寺左黑佛殿內藏鎧甲弓矢睿親王舊物也王以順治七年十二月初九日薨於喀喇城十七日柩至京入府治喪吳偉業讀史偶述詩云松林路轉御河行寂寂空垣宿鳥驚七載金滕歸掌握百僚車馬會南城其地址俱合蓋撤封以其女及養子家產人口給信王以後詩故曰空垣也

延恩侯

後孔安別爲漢賓

續漢百官志注

時大禮以二王後二公及孔子後褒

成君從也其閒若孔永孔奮亦能自致官爵自元始時謚孔子

宣尼公至北魏孝文帝太和十六年改謚文聖尼父北周靜帝

大象二年追封鄒國公唐太宗貞觀十一年稱先聖宣父高宗

乾封元年賜太師武后天授元年追封隆道公元宗開元二十

七年追謚文宣王內出王者袞冕被之迨後鄭縻又請於謚中

加哲字宋眞宗大中祥符元年議加至神元聖帝未行乃加謚

元聖文宣王二年賜曲阜文宣王廟冕九旒服九章五年以國

諱改元聖爲至聖神宗時判國子監常秩請尊孔子爲帝禮官

李邦直議止之徽宗崇寧二年改用冕十二旒三年定名文宣

王當紹興十二年西夏仁宗人慶三年尊孔子爲文宣帝止行

於西夏元成宗元貞十一年加號大成文宣王明景帝景泰三

者先謁後從政封孔騰爲奉祠君蓼侯藁傳至璜失侯璜弟茂之子宣爲長安君宣帝元康四年詔復其家元帝初元元年孔霸得封關內侯爵名曰褒成侯永光元年詔褒成侯以所食邑八百戶祠孔子先是初元元年匡衡請封孔子後爲殷後不納成帝永始三年梅福復請以孔氏爲殷後謂仲尼之廟不出闕里孔氏子孫不免編戶以聖人而歆匹夫之祀非皇天之意亦不納至綏和元年二月甲子封孔吉爲殷紹嘉侯食千六百七十戶尋進爵公地百里吉子何齊嗣哀帝建平二年益戶九百三十二平帝元始二年改殷公何齊子安爲宋公安孔子十六世孫也是年六月丙午以二千戶封孔子十六世孫褒成侯孔均奉孔子祠追謚孔子褒成宣尼公均霸曾孫也王莽時以均

與廟祀宋齊之制太子讀經通卽祀孔子北魏孝文帝太和十六年親拜祭孔子於中書省明祀先聖於文華殿古聖帝南面周公西面孔子東面其太學之禮唐元宗開元二十八年詔國學春秋二仲上丁以三公攝行事宋太祖建隆二年詔貢舉人就國子監謁先師著爲令其郡國廟梁武帝天監四年梁始立孔子廟北齊文宣帝天保元年命罷學於坊內立孔顏廟博士以下月朝之唐太宗貞觀四年詔州縣學皆作孔子廟九年顏師古言郡國立學廟非禮當止高宗元亨元年敕州縣未立廟者速事營造自是孔子之廟徧天下矣漢桓帝元嘉二年魯相乙瑛請置廟卒史明年事下春秋饗祀出王家錢給犬酒直承壽二年相韓敕修孔子墓及禮器靈帝建甯二年相史晨請祀孔子依社稷出王家穀春秋行禮以其禋祀皆立碑漢學校之

年劉翹請尊孔子爲帝憲宗成化時祭酒周洪謨請尊孔子爲  
文祖大成至聖皇帝常熟知縣楊子器請加配天廣運大成至  
聖萬世帝王宗師皆不行世宗嘉靖九年定稱至聖先師時徐  
階黎貫謂不宜去王號然不能爭也

以上世家及尊號

先是漢明帝永

平四年令學校祀周公孔子十五年躬祀孔子及七十二弟子  
躬祀用太牢學校秩禮牲以犬唐高祖武德元年立周公孔子  
廟各一七年以孔子配周公太宗貞觀二年升孔子爲先聖不  
祀周公而孔子仍居配位高宗永徽時復祀周公爲先聖而孔  
子以先師配顯慶時復稱先聖(元)宗開元二十七年祀孔子正  
南面至明嘉靖稱先師去王號而仍南面

國朝順治二年國子監祭酒李若琳請加至聖先師爲大成至

聖先師不復言封號樂章景平有云猗歟素王非爵也其神主

增木主英宗天順元年立孔子顏子曾子子思孟子銅像於文淵閣世宗嘉靖九年張璠議毀像籩豆用十樂用六佾或依毀像或移像別作室奉之或亦不移不毀今闕里廟舊像也闕里廟漢世卽故宅興治桓帝元嘉二年置百石卒史一人魏文帝黃初二年亦置百石卒史衛廟而於廟外廣爲室居學者宋孝武帝孝建元年詔建孔子廟同諸侯之禮北魏孝文帝延興三年給十戶供灑掃唐太宗貞觀十一年給廟戶二十睿宗太極元年以近祠戶三十供灑掃憲宗元和十三年置五十戶宋太祖建隆三年詔祭孔子廟用一品禮立十六戟於廟門眞宗天禧六年增殿庭廊廡百六十閒仁宗慶曆四年以本縣中戶五十供灑掃嘉祐六年頒大成殿榜於闕里廟神宗熙寧二年行新法減省廟戶二十哲宗元祐五年復之徽宗崇寧三年定殿



祭其犬酒太平御覽引桓子新論云孔子匹夫耳而卓然名著  
至其冢墓高者牛羊雞豚而祭之下及酒脯寒具致敬而去魏  
書延興二年大金國志大定二十六年皆制用酒脯則雜依民  
俗非秩禮也魏帝芳正始二年使太常以太牢祭孔子於辟雍  
晉武帝太始三年詔太學及魯國四時備三牲祀孔子唐宗  
開元二十七年制國學以太牢用八佾州縣學以少牢元武宗  
至大二年制春秋二丁用太牢禮始定自漢文翁畫孔子像於  
蜀石室靈帝光和元年畫孔子及七十二弟子像於鴻都門學  
其後立廟遂僚像唐元宗開元八年以十哲及曾子配饗皆坐  
像先是顏淵立像至是采論語四科九人及曾子配又畫七十  
子及二十二賢於廟壁明太祖洪武初國子監廟增木主司業

宋濂坐謫官以其請毀像也憲宗成化五年闕里廟衣衣京而別

宗景德四年置守塋二十戶大中祥符元年東封過仙源拜孔

子墓命學士晁迥奠孔子父母明太祖洪武時置灑埽戶七成

祖永樂二十年建聖林門

以上墓

其推恩追崇始宋眞宗大中祥

符元年封孔子父齊國公母齊國太夫人妻并官氏鄆國夫人

并蓋免弁之借唐人左傳桓六年正義宋人隸辨引家語正作并官

仁宗慶曆八年詔於聖殿後

立廟齊國公像用九章元文宗至順元年封啟聖王啟聖王夫

人三年封鄆國夫人爲大成至聖文宣王夫人又封顏子父杞

國公母杞國夫人順帝至元二年杞國畫像九章明英宗正統

三年以顏路曾皙伯魚從祀啟聖王殿世宗嘉靖八年改王爲

公辭侃上言聖廟中顏路三人在廡四配理所不安或其時三

人兩從祀歟

以上推恩

自襄成侯至漢和帝永元四年定爲亭侯食

千戶魏文帝黃初二年改宗聖侯邑百戶晉武帝太始三年改

名大成國學郡縣學皆同四年定門戟二十四元太宗九年給  
守廟一百戶世祖至元二年罷成宗大德五年復八年給灑埽  
戶田五十頃明太祖洪武元年置戶百世宗嘉靖八年改大成  
殿爲先師廟大成門爲廟門闕里廟祭以四仲上丁國子監府  
州縣學廟以春秋洪武十五年制也

以上

祠廟孔子墓周時諸生以

時習禮其下史記集解皇覽云孔子冢南北十步東西十三步

高一丈五尺塋地百畝史記云葬魯城北泗上故所居弟子堂  
內後世因廟藏孔子衣冠琴車書守相出私錢治之宋文帝元

嘉十九年給灑埽五戶唐太宗貞觀十一年給戶二十墓初祠

壇方六尺門弟子以瓠璧爲之漢韓敕易以石石廣厚三尺縱

橫各七唐元宗開元二十年遣禮部尙書以太牢祭孔子墓易

舊石以封禪石以近墓五戶長供灑埽後又廣新石五尺宋眞

兼縣令則孔仁玉也先是仁玉父光嗣不得封仕泗水主簿梁  
乾化中爲廟戶孔末所弑唐明宗誅末授仁玉曲阜主簿旋爲  
令復公封宋初卒贈兵部尙書今孔氏稱爲中興祖者也宋太  
祖乾德四年授仁玉子孔宜曲阜主簿後襲文宣公眞宗咸平  
三年詔本道轉運使及州長吏待孔氏爲令簿者以賓禮勿使  
庭趨仁宗至和二年改文宣公爲衍聖公立孔氏知縣唐季及  
五代孔氏宗子顯者才爲令簿至宋謂孔子子孫不使他族統  
治使文宣公兼攝曲阜令時孔宗原當襲而議者言文宣非可  
爲子孫爵名乃改衍聖公而別立孔氏一人爲知縣英宗治平  
元年詔勿以孔氏知本縣襲封人不得遠去家廟初襲成侯在  
洛陽同文門有漢元嘉三年碑云相瑛言襲成侯四時來祭事  
已卽去及唐天寶十五年文宣公孔璵避亂之甯陵遂家焉後

奉聖亭侯邑二百戶至宋孝武帝大明時奉聖亭侯失爵南朝  
 亦詔求孔氏後北魏孝文帝延興三年以孔子二十八世孫孔  
 乘為崇聖大夫太和十九年孝文帝如魯祀孔子封孔靈珍為  
 崇聖侯邑百戶齊文宣帝天保元年改恭聖侯周靜帝大象二  
 年追封孔子鄒國公以孫孔長孫襲邑百戶隋煬帝大業四年  
 封長孫子嗣愨紹聖侯食百戶唐高祖武德九年封嗣愨子德  
 倫為褒聖侯太宗貞觀十一年詔褒聖侯食邑百戶位同三品  
 中宗神龍元年以鄒魯百戶為隆道公後褒聖侯采邑元宗開  
 元二十七年隆道公為文宣王褒聖侯進爵為文宣公兼兗州  
 長史長任代不絕肅宗上元二年詔文宣公位二品文官下憲  
 宗元和二年赦敕與文宣公子一人官遂為例昭宣帝天祐二

年朱溫專政失爵越二十八年唐明宗長興三年復文宣公爵

世承祀者越十四年成宗元貞元年封孔治爲衍聖公二年設知印官大德四年給衍聖公隨朝四品官俸七年縣尹用衍聖公弟襲補自滇失封至治復封封中絕者四十四年元文宗至順二年給衍聖公三品銀印順帝至正八年以衍聖公爵與階不稱晉秩中奉大夫換二品銀印明太祖洪武元年進衍聖公秩二品階資善大夫置掌書典籍管勾司樂知印奏差書寫與孔氏世襲知縣七年改世襲知縣爲世職知縣凡衍聖公官屬知印始元貞時奎文閣典籍始元武宗至大二年司樂始元仁宗延祐六年餘皆明制也宋徽宗崇寧二年詔孔氏選親族一人判司簿尉事爲族長明太祖洪武七年賜孔庭族長龍頭藤杖主理家政永樂二十二年仁宗卽位賜衍聖公正一品服景帝景泰三年改賜三臺銀印帶服皆正一品列文臣班首神宗

以兼曲阜令在曲阜今別立令故申言襲封人當依家廟而衍  
聖公定著仙源仙源者曲阜宋名也哲宗元祐元年改衍聖公  
爲奉聖公承爵者卽除寄祿官廩俸並視現在官給田畝考遷  
亦改寄祿官不領他職在故郡奉祀徽宗崇甯三年復爲衍聖  
公大觀三年敕孔子後常聽一人注本縣官令丞簿尉無定職  
金世宗大定二十年授衍聖公本縣令宋衍聖公孔端友南渡  
寓三衢六傳至孔洙入元而金別擇立衍聖公廢帝天德二年  
詔衍聖公俸格加於常品晉階承直郎章宗明昌二年以衍聖  
公四品階八品不稱超授中議大夫元太宗五年分縣尹至定  
宗時衍聖公元措卒養弟之孫渚爲嗣後以族人誣渚非孔氏  
子封中絕縣尹仍孔氏世襲官爲修廟致祭世祖至元十六年

世勿與明太祖洪武元年詔復三氏子孫大宗徭役英宗正統  
元年復聖賢後裔以上給復其奉祀以宗子主之或幼與病則攝宋

大中祥符元年文宣公孔聖佑年十一九年遷孔道輔知本縣  
主祠天禧四年聖佑年二十四襲封兼知縣金宣宗貞祐二年  
衍聖公元措赴京師弟元用攝祭

國朝衍聖恭愨公毓圻晚多病以子傳鐸攝祭傳鐸當襲雍正  
八年乞病卽以子廣沂襲嘉慶四年衍聖公憲培卒嗣子慶鎔  
幼以本生父博士封公爵憲增攝祭十一年八月交代以上奉祀其

京邸始明成祖永樂二十二年太子仁宗賜也在東安門外天

子祭闕里會孔氏子孫始漢章帝元和二年大會孔氏六十三

人以儒者巾服見天子臨雍衍聖公率諸賢齋觀禮京師始明

景帝景泰元年以上其從祀配享曹魏黃初時曲阜廟像二第



萬厯七年萬壽節衍聖公入賀待以客禮不在文武班不與朝

參二十二年賜衍聖公長子公世子名號

例惟親王世子郡王公皆長子

年十

五授二品冠服

以上世家言

其祭田漢唐依官爵唐中宗神龍元年

以鄒魯百戶租稅供薦享宋眞宗大中祥符元年賜田百頃哲

宗元祐元年添給百頃八年又賜百頃金章宗明昌五年增祭

田六十五頃屋四百間後又撥給地六十四畝有奇元成宗大

德五年官置祭田二十頃九年以尙珍署田五十頃供曲阜林

廟祭祀明太祖洪武九年賜祭田二千大頃分五屯四廠十八

官莊成祖永樂五年賜滋陽田七十三大頃順天湯沐田八十

二頃

以上祭田

其給復先時有司酌復之唐高宗乾封元年詔賦役

之事褒聖子孫合門勿事周世宗顯德五年却爲編戶宋太宗

太平興國三年詔復之元太宗九年詔復孔顏孟三氏子孫世

月增曾子子思爲四配東西配延祐時從之升有子子張宋朱子於殿上合四科閔子以下爲十二位則定於

國朝也明世宗嘉靖九年去從祀公侯伯號分稱先賢先儒熹

宗天啟時以魏忠賢從祀後撤之

以上從祀

自宋仁宗慶曆三年立

尼山廟學教孔顏孟子孫哲宗元祐元年撥給近尼山田二十

頃元仁宗延祐二年改中庸精舍爲子思書院設山長文宗至

順元年加號顏子復聖曾子宗聖子思述聖孟子亞聖明太祖

洪武元年改廟學爲三氏子孫教授司立尼山洙泗二書院山

長又置灑埽戶八英宗正統九年設三氏學生員景帝景泰三

年置顏氏孟氏世襲博士孝宗宏治十六年加衍聖公次子翰

林院五經博士第三子太常寺博士皆世職武宗正德元年立

衢州孔氏博士以孔洙子孫世襲二年以衍聖公次子博士主

子執卷侍立

見水經注

元魏興和三年兗州刺史李珽修廟修像以

從陳蔡十子雕傚其側青衿青領其在祭典先時止以顏子配

或亦拜七十二弟子北齊時郡學立孔顏廟諸賢不與也唐太

宗貞觀二十一年始以先儒左邱明等二十二人配享元宗開

元八年以十哲配二十七年增十哲及曾子等六十七人公侯

伯爵後唐明宗長興二年始定七十二賢籩豆酒脯宋眞宗大

中祥符二年又追封孔子弟子加左邱明等十九人封爵徽宗

政和元年更定孔門弟子封爵改犯先聖諱者至以宋人王安

石封舒王升坐配享金章宗承安二年升先賢先儒封爵元仁

宗皇慶二年以宋元儒從祀先是南宋自撤出王安石別以宋

儒從祀至是及闕里廟矣延祐二年定四配始者北宋及金元

皆以顏孟配位顏右孟左與孔子平列南宋度宗咸淳三年四

北魏獻文帝皇興二年遣中書令高允兼太常至兗州以太牢祭孔子卽位告祭始元武宗至大元年卽位遣學士祭告孔子顏子廟頒書籍始晉孝武帝太元十四年頒六經於孔子廟避聖諱始宋徽宗大觀四年改瑕邱爲瑕縣龔邱爲龔縣金章宗明昌二年改臣庶名孔子諱者曲阜孔廟前立下馬牌祭版署御名太和五年詔進士名有犯孔子諱者避之告成太學及曲阜廟則始

聖祖仁皇帝平三藩其立碑則始

平定朔漠爲民祈福則始康熙三十四年遣吳涵

以上典制初

世祖章皇帝順治元年定制一如明時交洪武二十五年八月

二十五日明太祖親封鐵冠道人圖匣於曲阜孔氏二年加孔

子號大成至聖文宣先師十四年定稱至聖先師孔子

子思書院世宗嘉靖十八年立曾氏博士於嘉祥神宗萬曆十五年三氏學益曾氏爲四氏學熹宗天啟元年孔氏鄉試編耳字號聖裔聖字半也自子思書院有博士子思始得專祠書院官置田子思書院博士

國朝順治十四年以明制太常寺博士襲其衢州西安博士以西安孔氏龔松江青浦北有地名孔宅者言漢時孔氏避地居此有孔子衣冠墓康熙四十四年

聖祖仁皇帝南巡

親書扁聯賜之與衢州西安皆孔子後也五十八年八月衢州歲科試定額外取孔氏童生入學二名

以上四氏博士

其諸州學田宋

眞宗乾興元年始詔給明英宗正統四年戶部奏准衍聖公五

六品一人衍聖公田在會典者田二千一百五十七頃灑埽戶  
百十五皆免稅課徭役者今實免稅課田一千二百五十六頃  
七十八畝其九百頃二十二畝或以爲曲阜城中地案明時五  
屯二千大頃不應有曲阜城中地山東通志則云四千二百二  
十二頃五十一畝疑係現存大頃一頃爲三頃計之餘俱汶泗  
泃洸淤浸也

仁宗睿皇帝嘉慶十四年十月以孔氏祭田缺額九百頃

諭山東查撥補還其廟基爲三百二十七畝五分林地合新增  
總二千九百四十一畝九分墓刻今仍題文宣王廟像王冕服  
皆明以前法也林樹古物有年分繫牌宋書劉義恭傳云鎮彭  
城時魯郡孔子舊庭有柏樹二十四株經漢晉其大連抱有二  
株先折倒土人崇敬莫之敢犯義恭悉遣人伐取父老莫不歎

聖祖仁皇帝康熙二十九年立天下文廟前下馬牌

世宗憲皇帝雍正元年封孔子五代肇聖王裕聖王詒聖王昌聖王啟聖王改啟聖爲崇聖祠二年

諭改幸學爲詣學增先賢博士三年定至聖諱字右加邑州縣丁祭俱用太牢樂用八佾五年定八月二十七日至聖生日齋一日禁止屠宰七年修曲阜廟殿及正門皆用黃瓦改舊名宣聖廟爲至聖廟門戟二十有四八年設廟中孔氏執事官四十八員

高宗純皇帝乾隆元年國子監文廟亦易黃瓦二十一年改曲阜知縣爲在外調補缺停孔氏知縣而增孔氏執事六品官一先是執事四十員三品二人四品四人五品六人七品八人八

三跪九叩首禮留曲柄黃蓋供廟庭四時享祭陳之

世宗憲皇帝依行九叩禮乾隆五十五年

高宗純皇帝八旬萬壽先期

親詣曲阜廟致祭雍正時曲阜廟災

世宗詣國子監大成殿祭奠告慰避殿減膳曲阜廟工成

欽差大臣衍聖公山東巡撫同奏慶雲見其後

高宗頒周器十於曲阜廟重排石鼓十於國子監廟熱河文廟  
衍聖公京邸今在西安門外太僕寺街顏氏士爲七十世曾孟  
亦用孔氏名曾氏毓爲六十九世孟氏傳爲六十七世顏曾孟  
祭田會典皆四十五頃顏氏又自增祭田見曲阜縣志共百一  
頃十畝六分八釐曲阜亦有僧道明有三聖祠正統時諭禁之  
國朝康熙三十六年衍聖公咨巡撫布政使撤毀乾隆三年河



息蓋取枯折二株爲材今廟樹林樹極蔥盛也明天啟時耳字卷舉人二名魯藩占一名聖裔占一名順治十四年二名俱歸四氏雍正二年增爲三名道光十一年孔昭虔任貴州布政使其子憲恭應鄉試山東以列耳字號官字號雙請

皇上以歸官卷則失專設四氏學本意

諭仍歸耳字專號孔氏之派今衍聖公慶字爲七十三世自明以公彥承宏聞貞尙衍八輩遠近支屬依用天啟中衍聖公衍植又定十字曰興毓傳繼廣昭允慶繁祥及允憲之襲也

高宗改爲憲祥今俱依用憲字衍聖公府當廟東詩禮堂垣東詩禮堂

列聖詣廟講學處也康熙二十三年十二月丙子

聖祖旨依

聖

臣降香嘉靖九年罷之然內學堂上學散學皆拜孔子非典禮  
主祭也史記世家言極纖悉蓋情深文明其言世家記世祿也  
其名至當矣王安石言孔子可世天下以史爲失例其說可怪  
歎故復識世家言以後事如此道光十二年四月二十五日書

關聖事輯後識語

關聖今尊崇已極乾隆三十三年改追封爲謹封敕封爲敕奉  
嘉慶二十五年七月十五日定致祭用雙臺寫先是雍正三年  
封三代光昭公裕昌公成忠公十年定關樾裔世襲五經博士  
案三國志傳言子平同死事次子興嗣封興子統及彝續封其  
後無可徵今江陵縣關氏譜則是平後言平妻趙氏聞麥城破  
攜八歲子樾避於安鄉民家改姓門至晉平吳始攜子出復關  
姓明萬曆二十四年封關平竭忠王關興顯忠王將軍周倉威

南學政林枝春以三教堂佛居中聖人老子互爲左右請通飭毀之得

旨允行古時有所禱南北朝祭或以女巫妖覲淫進非禮殺牲鼓舞倡優俚狎北魏孝文帝延興二年詔禁之定其禮封氏見聞記儒教云唐時風俗婦人多於孔廟求子有露形登夫子之榻者元成宗大德元年制各官蒞任先謁聖廟以次謁諸神廟著爲令廟始嚴闕

國朝康熙二十五年直省武官協領

駐防

副將以上得陪祀四十

九年九月太原總兵馬際伯奏文臣皆得陪祭孔子武臣惟副將以上得陪祭請自今參將以下同城武弁得與文臣一體陪祭於是文武皆得在列元仁宗卽位遣宦者祭告殿上風起兩

廡燭滅臺下鐵燭檠入土尺餘皆拔明洪武時每月朔望

大廈其事如此何有入定七日神力成功而後致書晉王如智者傳之言乎蓋關三郎之目始於唐關聖之說追改古傳則成於宋今存僧無盡天台山志言玉泉寺碑不可知廣西臨桂龍隱巖有宋至和時僧義緣所鑄三像一云天台教主智者大師一云擎天得勝關將軍一云檀越關三郎其時尙未混關三郎關聖爲一關三郎在唐時不獨爲癘玉泉北夢瑣言云咸通後長安坊巷謔言關三郎鬼兵入城家家恐悚楊玘自駱谷入洋源至秦嶺回望京師曰此處應免關三郎相隨也語未終一時股栗關三郎不知何神無故牽入玉泉寺因牽連關聖關聖剛毅之氣久在人閒其事實見三國志傳非小說野言所能誣惟世繫與傳不同及身後依僧荒唐無畔岸之說爲正言之道光二年九月初七日

靈忠勇公今關裔以關氏譜言之皆竭忠王平後也今佛徒誦  
言關聖歸依隋智顛者其誤有因天台智者禪師傳云隋開皇  
十二年智者至當陽上金龍池欲立道場入定見關某言某住  
此山欲爲智者去一舍立寺智者七日出定而棟宇煥麗神卽  
受師五戒師致書晉王王奏賜名玉泉寺以關某爲寺伽藍神  
又檢唐范攄雲溪友議記關聖事連言玉泉寺云或言此祠鬼  
助土木之工而成祠有三郎神卽關三郎也厨中偷盜則有大  
掌擱其面蓋以關三郎護寺因言其助工因以移之關聖因極  
其誑言而謂之歸依實則玉泉寺有隋當陽令皇甫昆所撰碑  
云玉泉寺者基此山焉智顛投院晉王奏聞爲起寺信心檀越  
積善通人咸施一材具投一瓦憑茲眾力事若神功營之不日

世宗憲皇帝硃批諭旨於開礦一事深以言利爲戒不準行五  
年大名請開鉛廠摺不發六年三月塔爾巴哈台金礦奉諭  
諭以無藉之徒聚之甚易散之則難於邊地殊有關繫嚴行封  
禁九月平泉州銅苗見請開廠其交與工諭旨查照因臣等  
諭承遠封禁二十年四月官領之田諱避四半籍清堪丁具呈  
諭封禁都蘭哈拉鉛廠千八百六十二兩餘以開礦賣與與人  
田一田土千三百三十八百五十五兩八錢滿洲蒙古萬軍餘

順治十六年天下田土五百四十九萬三千五百七十六頃四  
十畝乾隆三十一年七百四十一萬四千四百九十五頃五十  
畝零州縣衛田也口外屯田不計

禮等旗地

順治元年十二月戶部奉 上諭田畝開墾皇恩恩惠公測自太

禁開礦

康熙四十三年部議江西崇仁大庾開礦奉旨開礦事情甚無益於地方嗣後有請開採者俱不準行五十年

二年奉旨開礦事情甚無益於地方嗣後有請開採者俱不準行五十年

旨有礦地方初開時卽行禁止乃可若久經開採貧民勉辦貲

本爭趨覓利藉爲衣食之計而忽然禁止則已聚之民毫無所得恐生事端雍正二年奉旨今日有利聚之甚易他日利絕則散之甚難若招商開廠設

官收稅傳聞遠近以致聚眾藏姦則斷不可行也五年論又申言之謂何必諄諄以利爲言嘉慶四年四月御史據民

商呈奏請開邢臺銀礦奉旨

地徵收雍正十一年定官地被災十分者免五九免四八免二  
七免一六分者不免地租銀每畝一錢五分私價自三錢五分  
至八錢其井田雍正時定以田百二十五畝公田十二畝五分  
廬舍十二畝五分私田百畝納公田租十二石五斗乾隆時改  
爲屯田每畝交一斗

### 農祭

先農壇之祭順治十年定於仲春亥日案六壬古式正月亥爲  
天倉梁天監時改用二月今法二月節猶日躔亥故用亥後改  
於三月雍正二年

耕藉三推畢又

加一推遂爲例乾隆三年依

成法四推又定制三月



諭凡近京各州縣民人無主荒田及明朝皇親駙馬公侯伯太監等凡歿於寇亂者無主田地甚多爾部概行清查若本主尙存或子弟存者量口給予其餘田地盡行分與東來諸王勳臣兵丁人等三年三月議定此項錢糧照數永免今據乾隆六十年田數內府三旗莊田一百二十七萬八千八百畝宗室莊屯田一百三十三萬三千八百二十七畝八旗滿洲蒙古漢軍給地一千四百零六萬六千八百六十二畝初以圈地賣與民人者雍正七年官爲取贖其官贖之田乾隆四年議許壯丁具呈領買其價銀以五年錢糧分限扣交壯丁領買者限以五晌計三十畝其五晌之價上地銀四十八兩二等三十八兩三等二十八兩四等十八兩荒地十二兩四十四年定官贖地未經領

買者官收租銀由直隸總督數降爲歲冬入貢

圭壁自郊徂宮君臣相戒以無棄爾成求之傳則左氏春秋言  
僖公二十一年夏大旱公欲焚巫尫臧文仲曰天欲殺之則如  
勿生若能爲旱焚之滋甚乃修城郭貶食省用務穡勸分饑而  
不害求之記則檀弓言魯繆公欲暴尫巫縣子曰天則不雨而  
暴人之疾子虐望之愚婦人於以求之疏而從凶禮徙市孟子  
則言旱乾水溢變置社稷謂上古水旱災札人民都邑遷徙則  
社稷從之不聞年旱殺人自殺以異味異肉侮弄神祇也後漢  
書戴封傳言封爲西華令大旱禱請無獲乃積薪坐其上以自  
焚火起而大雨暴至遠近歎服諒輔傳言輔爲廣漢郡五官掾  
大旱太守祈禱無所降輔自暴庭中慷慨咒以天地否隔咎盡  
在輔期日中不雨以身塞無狀將自焚積薪柴聚芟茅以自環  
未及日中而澍雨一郡沾潤世稱其志誠戴封以令長妄擬湯

耕藉與祭

先農同日往時以祈穀時祭不燔柴順治十七年定制

祈穀用燔柴禮乾隆八年初定

常雩禮歲舉行之雨澤或愆則禱

社稷三壇又不雨乃

大雩也至民間求雨止於叩禱此外皆治以應得之罪

求雨說

呂氏春秋言湯克夏大旱七年乃身禱於桑林翦其髮劓其手  
自以爲犧牲用祈於上帝民乃大悅雨大至淮南子言湯時大  
旱七年卜以人祀湯言我自當之乃使人積薪翦髮及爪自潔  
居柴上將自焚以祭天火將然卽降大雨此游士食客劫君鼓

道妄行求雨殊屬非分如果欲求雨只宜谷存誠心叩禱而已  
何必種種作法嗣後除奉旨外或在寺廟誦經求雨尙可如私  
自設壇借求雨之名妄作法術卽以妖言惑眾治罪該部知道  
傳八旗五城嚴行禁止此農民所必不可不知者莠民假求雨  
斂錢立會聚食快樂亂民以求雨劫制官吏富戶以快私憤伸  
邪教皆鬼神所深惡增加旱潦致農民亦不被福佑臨事則難  
言也要在豫教農民使守禮求福深悉違禮之害保長里正又  
能素爲捍禦則上下情順禮明而俗正矣

### 荒政

國家荒政十二一救災二拯飢三平糶四貸粟

收成在八分以  
上加息七分免

息六分緩半五分以下  
緩災重者豐收亦免息

五蠲賦六緩徵七通商

禁遏  
糶

八勸輸過

百石  
奏獎

九嚴奏報之期十辨災傷之等十一興土功使民就備十

王已爲狂怪諒輔掾史下秩敢在郡庭大言身關天地否隔聚柴構火東漢時尙未亂太守權重亦得誅殺之呂不韋漢淮南王安宋范蔚宗皆凶逆誅滅人所記皆緣事文致冀使上下不安以快其意不可訓也請求雨澤以爲人也不當殺人立君設官吏萬世事也天災流行時必有之不當以不雨自致死地請求神祇順事也不當以死劫神祇請求以禮也不當違道任術以神爲戲故求雨之法乾隆五十年五月二十八日廷寄河南巡撫畢沅云奉

上諭畢沅但當誠懇祈求雨澤不可用月孛翻壇邪術由六百里卽發此官所當永遠遵行者雍正二年六月十一日諭禮部民間祈求晴雨一事甚不合禮朕以誠心祈禱猶慮

考五十五卷館臣案云乾隆二十年會典進

呈奉

御筆將先農壇齋宮改爲慶成宮此改定之見於記載者且  
丹毫牽絲鉤勒及單雙圈擡寫式樣尤爲使歸畫一免復請之  
遲緩與煩也

禁殺牛

古殺牛之禁寬嚴不同淮南子說山訓云殺罷牛可以贖良馬  
之死莫之爲也殺牛必亡之數以必亡贖不死未有行之者矣  
高誘注云牛者所以植穀者民之命也是以王法禁殺牛民犯  
禁殺之者誅故曰必亡之數是漢法不得殺牛汜論訓云馬免  
人於難者其死葬之牛死葬以大車爲薦死而埋之其不殺可  
知後漢書第五倫傳云爲會稽太守有妄屠牛者吏卽行罰魏

二反流亡使民生聚會典拯飢之例水旱成災先給一月糧爲  
撫卹災六分者極貧子一月糧七分八分者極貧二月次貧一  
月九分者極貧三月次貧二月十分者極貧四月次貧三月凡  
言月者皆滿三十日戶計口大口日米五合小口兩日米五合  
或給錢依米時價成戶者月一發不能自舉火者官給粥日一  
發土子移粟學宮就給其極貧加至七八月次貧五六月者事  
出

特恩其救災之例若水患民居湮漂者給修理費傷人者加卹  
水旱興土功則以所濟民數與工費同報部康熙年賑山東賑  
喀爾喀乾隆年賑甘肅賑徐州嘉慶年賑直隸皆  
曠典邁古乾隆時修會典凡涉民事刪去虛文歸於實惠俱

高宗純皇帝冊寫收定見民重農

牛賣肉準條科斷其自死牛許賣斤不過五錢民家各報所由  
準例輸皮入官宋則燕翼貽謀錄云瀋化二年閏二月己丑詔  
曰開櫃房屠牛馬驢狗以食犯者定行處斬青箱雜記云張詠  
尹益都李順黨殺牛避罪亡逸許首願望就命斬之厚德錄云  
張逸知益州歲饑民殺耕牛皆配關中明歲乃奏還之折獄龜  
鑑鄭克云包拯知揚州錢和知秀州有仇盜割牛舌者皆使歸

撰

屠牛散肉遂爲仇所告以此獲仇盜王鞏聞見近錄云張文懿  
爲社淇令村寺神每告僧迎之一日僧不出迎神言長官誤斷  
殺牛事天符已下不復相矣文懿遂改正安南大越史記李仁  
宗本紀云龍符二年八月詔盜殺牛杖八十徒犒甲其妻杖八  
十徒桑室婦鄰家杖八十時當宋也並罪及其妻明沈景倩野  
獲編云萬麻丙戌丁亥閒巡城御史楊四知榜禁殺牛引太祖



志陳矯傳云是時耕牛少殺者罪至死爲魏郡西部都尉曲周民父病以牛禱縣結正棄市矯曰此孝子也表赦之高堂隆傳云明帝時度支經用吏每不足牛肉小賦前後相繼以此爲賦所以有私宰之禁其言私者對官言之也晉書張茂傳云初起義兵元帝辟爲掾屬官有老牛將賣之茂曰殺牛有禁又不任耕稼是以無用之物收百姓利也南史云梁傅昭子婦家餉牛肉昭曰食之則犯法告之則不可取而埋之唐律廩庫云故殺官私牛徒一年半盜賊三云盜殺者徒二年半其法似輕然唐赦文多曰十惡五逆火光行劫持刀殺人官典犯贓屠牛鑄錢合造毒藥不在原赦之限五代史唐莊宗紀云同光元年十二月十一日赦百姓將牛驢及馬宰殺貨賣便仰擒捉不問軍民

以負知非耕牛也天方典禮引天方書云市有懸牛聖化不入  
天方眾國無以屠牛爲業者又云穆罕墨特至默底那見市屠  
牛曰盍易諸民遂捨牛而易羊大唐西域志云天竺噉牛豕者  
鄙恥眾所穢惡屏居郊外希迹人間今京城禮拜寺言回回禮  
拜日殺牛者不得升堂

演義小說

順治七年正月頒行清字三國演義此如明時文淵閣書有黃  
氏女書也黃氏女書爲念佛三國演義爲關聖一時人心所向  
不以書之眞僞論其小說之禁順治九年題准瑣語淫詞通行  
嚴禁康熙四十八年六月議准淫詞小說及各種祕藥地方官  
嚴禁五十二年四月九卿議定坊肆小說淫詞嚴查禁絕板與  
書盡銷燬違者治罪印者流賣者徒乾隆元年覆准淫詞穢說

所定充軍例懸賞購人告發是殺牛自古有禁順治十一年五月甲午端午

上諭賜饌大臣曰朕甚憫耕牛勞苦不忍食其肉又序刻牛戒彙鈔既而大學士魏裔介又輯刊牛戒續鈔雍正七年六月

上諭曰聞外閒謠傳六月二十四五將開屠宰耕牛之禁回民等將欲齊來謝恩又聞民間竟有私宰耕牛之事今朝廷所需惟祭祀照例俱用其餘一概不用牛肉矣如有違禁私宰耕牛立卽鎖拏按律盡法究治該管官從重議處嘉慶十年十二月巡視西城御史奏請開牛禁坊官驗明準令回民宰賣

上責以此御史又非回教中人矢口亂道荒謬已極不可復任御史回教中間之亦稍斂迹也回回殺牛者諉之老教實亦不

然回教以駝爲大牲祭用之牛爲小牲祭與實用之用者不

省本章俗字字典所無難以繙清嗣後隨本音釋揭送內閣以便繙譯對音嘉慶十一年奉旨上書房行走者粵東口音於授讀不甚相宜謹案詩書執禮孔子皆用雅言不用齊魯音而經史多有方言學者貴知之然必立一雅言爲之準而後方言可附類而通也

雜職儀衛

會典禮部儀制司儀衛云雜職竹板二無他物也凡輿馬文員則司道以下教職以上乘轎昇夫四雜職乘馬按宋張某白獺髓云王姓初任江右一尉多刻剝宴於市民家民齎尉司旗杖等訴其攜兵卒強盜宋史司馬池傳云知鳳翔岐陽鎮巡檢夜飲富民家所部卒執之俾爲約不敢復督士卒而後釋其縛池捕首惡誅之巡檢亦坐廢王明清揮塵錄云其祖爲應城尉驗

疊架盈箱列肆租賃限文到三日銷毀官故縱者照禁止邪教不能察緝例降二級調用嘉慶七年禁坊肆不經小說此後不准再行編造十五年六月御史伯依保奏禁燈草和尙如意君傳濃情快史株林野史肉蒲團等書奉旨嚴禁其書銷燬示諭旨不得令吏胥等藉端坊市紛紛搜查致有滋擾十八年十月又禁止淫詞小說

官話

雍正六年奉旨以福建廣東人多不諳官話著地方官訓導廷臣議以八年爲限舉人生員貢監童生不諳官話者不準送試福建省城四門設立正音書館十三年奉旨展限四年乾隆二年弛其令令州縣與士民相見及教官實心教導保薦時

餘勛又每年牀帳花毯輿轎等項二萬八千餘兩今俱不用  
高宗純皇帝御製詩注云明季宮中歲用七十萬本朝康熙五  
十年閒省至七萬乾隆三十年三萬四十年二萬嘉慶十四年  
正月二十日

諭朕恭閱

聖祖仁皇帝實錄內載前明宮中每歲用度金花銀九十餘萬  
兩光祿寺每年送內所用各項錢糧二十四萬餘兩每年柴炭  
等項又不下數萬兩康熙時大加刪減不及十分之一我

皇考恪守

前規益加儉約更爲減省朕一切宮中支用照乾隆年間舊例  
遵行罔敢稍踰

太監

尸爪有血弓手持蓋者面有爪痕縛之訊治果然則其風久矣  
又周遵道豹隱紀談云縣尉下鄉擾人邇來尤甚京口人效古  
詩云雞鳴刺縣尉下鄉也其三章云雞既烹矣鳴既羹矣鑼鼓  
鳴矣縣尉行矣葉子奇草木子云廉訪分巡用巡尉司弓兵旗  
幟金鼓其音節則二聲鼓一聲鑼若解命盜犯人則巡尉用一  
聲鼓一聲鑼然則宋巡尉有旗杖有蓋有鑼鼓元巡尉有旗幟  
金鼓蓋明時裁之

宮中歲用

皇朝通考國用考云康熙二十九年查故明宮中每年用金花  
銀九十六萬九千四百餘兩今悉充餉又光祿寺送內所用二  
十四萬餘兩今止用三萬餘兩又木柴二千六百八十六萬餘  
觔今止六七百萬觔又紅籬炭一千二百八萬餘觔今止百萬

寸厚一寸

順治十八年

遺詔

祖宗創業未嘗任用中官且明朝亡國亦由委用宦寺是年罷十三衙門以其事歸內務府

康熙十六年五月置敬事房設總管副總管

雍正元年定總管四品副總管六品隨侍等處首領七品宮殿等處首領八品

雍正四年六月定正四品大總管爲宮殿監督領侍從四品大總管爲宮殿監正侍六品副總管爲宮殿監副侍七品首領爲執守侍八品首領爲侍監尋又定內官品級自四品至八品皆不分正從永爲定例乾隆七年定



順治初裁定內官額數

順治元年奉

旨內監原未贊禮何得混入朝班牙牌事宜著議奏  
順治二年定例嗣後內監概不許朝參亦不必排班

順治三年定織造不差內監

順治十一年滿洲佟義與太監吳良輔交通佟義既死吳良輔處斬定議置十三衙門裁內務府  
順治十二年六月二十八日奉

上諭朕今裁定內官衙門及員數職掌法制甚明以後但有犯法干政竊權納賄屬託內外衙門結納滿漢官員越分擅奏外事上言官吏賢否者卽行凌遲處死定不姑貸特立鐵牌世

遵守欽此日下舊聞考載弊在內務府高四

上諭太監等充當差使等級懸殊凡近御者皆循謹誠樸之人此案逆賊俱極疏賤僅於宮內看守門戶嗣後俱不得任各處太監藉詞告假有不得不暫時給假者限以時刻必須兩三人同行方準放出

奏摺文字體式述

康熙二十二年陝西奏平涼盜發明廢韓康王定王冢奉 諭

凡云廢者必如高煦等有罪廢爲庶人然後可彼生爲藩王誰廢之耶雍正七年三月 諭張大有本內有地效其靈語又前河工履歷中有河伯效靈字樣彼時面加切責張大有一任無知幕客信筆妄書全不畱心檢點着嚴飭行四月 諭每見臣工奏章有山川效靈字深切不安屢經降旨申飭今衍聖公賀本內仍用乾坤效靈字樣著更改另行繕寫具奏五月又 諭

宮中現行則例凡內監官職以現今四品爲定再不加至三品  
二品以至一品則與科道等又或內官品級自四品至八品皆  
宮中現行則例歲賞內監廣儲司銀二千兩崇文門錢一千六  
百串四羊六只或五四品大淑晉或宮監蓋晉贈并從四品大  
皇朝通考職官考乾隆三十四年裁萬善殿教習清書太監在  
長房一帶以內務府筆帖式課之漢書亦派筆帖式教習

高宗純皇帝御製詩三集蕉園詩跋若輩不過令識字記檔案

而已

三十九年

乾隆五十年六月初四日

上諭自行淨身間擬斬候之律永行刪除十七日刑部議奏奉

旨以後投充者內務府大臣交該司盤詰驗看

都虞司

嘉慶十八年九月丙戌

木齊喀什噶爾稱阿烏喀三城奉 諭旨申飭是地名不宜省

捏也乾隆五十年六月書麟片奏河南柘城案內回漢二字

殊抹 批云不可如此寫嘉慶九年十月兵部議處佛爾卿額

摺內有滿蒙文滿蒙話數處奉 諭兵部堂官察議司官議處

嗣後毋許率用省文致礙文義十年四月又 諭飭禮部奏貢

士名數滿蒙漢字樣蓋湊捏之文實難注目乾隆四十七年十

二月九卿議覆改經摺內有春禮孤經句 殊筆添出秋記二

字 諭飭行五十二年二月浙江巡撫覆奏前摺殊車係滴殊

車脚併寫 殊批以後慎之毋爲俗幕賓所誤五十四年六月

廷寄 上諭長麟摺內鄉約地保省寫約地殊屬不通一任幕

友書寫慢不經心嗣後宜加意檢點嘉慶十九年二月烏魯木

齊都統奏如姦案內姦婦爲達婦奉 諭不學無術永不準用

通政司及大學士參奏此措詞之當審也乾隆五十一年二月  
諭劉峩摺內許牧劉令字樣殊失對君之體申飭通諭嘉慶  
九年六月 諭安徽巡撫王汝璧題本內稱前巡撫張誠基爲  
張巡撫者屢見內閣票擬飭行著交部議處嘉慶十五年十月  
安徽學政萬承風奏任滿摺署銜內廷供奉 諭以書銜不合  
會典官職無此名目此官名之當慎也官名地名俗多用省文  
嘉慶八年明亮奏稱烏魯木齊提督爲烏提奉 旨申飭十一

年七月陝西巡撫奏稱甘肅布政使爲蘭藩 諭交部議處仍

傳 旨申飭是官名不當捏造也乾隆三十年 諭飭熱河稱

熱多倫諾爾稱諾以後地名字面一概全寫嘉慶二十年六月  
諭飭順天府尹奏畱委員於順天府地方補用稱爲畱順賞

屬簡率道光九年五月九日奉阿奏葉爾羌再集或可

年月未幅挖改蓋印著另換一扣粘接鈐印道光元年九月湖  
廣總督陳若霖奏到各摺內雨水糧價一摺諭云並未封口  
殊屬疏忽著傳旨申飭十三年七月御史松桂奏息銀修理  
街道一摺諭云並未填寫年月日著傳旨申飭敬悉所聞  
亦案牘中風雅佳話也

工程圖式考

凡輿地懸圖宜以北爲上其几案展閱之圖宜以南爲上以坐  
閱多向明也乾隆五十一年十一月廷寄湖廣總督言奉  
諭武陵白沙隄工圖樣南北倒置不便閱看嗣後勿再舛錯蓋  
俗土作几案圖多誤從懸圖式也又一圖不能盡者當分圖又  
地要工多一圖叢記者當於全圖中聲明此處別展一圖乾隆  
四十一年五月南河奏挑湖口引河移下清口壩挑陶莊以上

此等字二十年六月熱河都統奏稱建昌竊犯回子爲回賊奉  
諭申飭察議更正此皆捏寫不合者至其他文義乾隆五十  
五年十月 諭向來河臣以河身隄內灘地爲隄外以隄外民  
田廬舍爲隄內內外倒置嗣後總以河身爲主毋得牽混五十  
四年閏五月福建巡撫浦霖鹽摺 批云東牽西扯甚覺難明  
九月江蘇巡撫閔鶚元奏臬使來京 硃改來爲進廷寄 諭

云閔鶚元誤寫未畱心是年六月十八日穆騰額呈進與李天  
培通候信稿 諭云稿內語句虛文敷衍尤屬可鄙宜乎有此

一驚也嘉慶二十四年十二月義州城守尉呈遞靈芝奏片係  
松筠代擬引爾雅茵芝釋曰土氣和作爾疋茵芝擇日上氣和  
又引本草氣味平作本草氣味乎 諭云特爲指示俾知盛世

漢書杜周傳云適于長舅紅陽侯立與杜業書長罪發下雒陽  
獄丞相史搜得紅陽侯書奏業聽請不敬坐免楊敞傳云子惲  
與孫會宗書後惲下廷尉案驗得所與會宗書會宗坐免後漢  
書袁敞傳云敞爲司空尙書郎張俊有私書與敞子怨家封上  
之敞坐策免自殺私書不奏自古比不敬爲有罪宋戴埴鼠璞  
云唐穆宗時錢徽掌貢舉段文昌李紳以書屬所善士不從段  
李言於上曰今歲禮部不公皆關節得之乃貶徽刺江州或勸  
徽奏所屬書徽曰苟無愧心得喪一致柰何奏人私書取而焚  
之本朝皇祐元年六月臺諫李兌等言比歲臣僚有奏交親往  
還尺牘遂成告訐之風自今情非不順毋得繳奏簡尺從之繳  
奏私書非特君子不爲亦法令所禁此直戴埴怪論也唐書言  
段文昌指摘榜內鄭朗等十四人爲子弟穆宗內出題目重試



引河圖 批云將所圈處放大樣貼說來庶便觀覽嘉慶二年  
四月南河奏豐工大壩挑水壩圖大壩挑水壩偏在西首似河  
道西短窄東寬長不能一目了然 諭云工所酌中另繪一圖  
又河淮圖自應分別顏色乾隆五十四年閏五月兩江總督奏  
引河圖顏色同 批云可謂不用心之至六月覆奏分用顏色  
五十九年八月山東巡撫奏南河豐工攔壩圖奉 諭黃河隄  
工自應分爲兩色庶可一目了然乃一色繪畫竟似河流分爲  
二道眉目不清且不吉祥嗣後圖樣宜分別顏色嘉慶元年七  
月南河奏豐工圖 諭云正河下游旣已斷流仍用黃色繪畫  
仍欠明晰十一年六月南河 欽差奏圖奉 諭著將湖河情  
形另繪圖說分別青黃渲染著色以便披閱了然

呂惠卿謫官蘇軾草制有連起大獄發其私書語紹聖牽復惠卿謝表至此獨云自省於已莫知其由謂惠卿告安石罪發其私書有勿使上知及勿令齊年知齊年者安石與馮京同年生惠卿不肯居此名蓋懼無以見同黨東軒筆錄云張商英爲館職屬舉子於判監舒亶亶繳奏其簡商英坐是奪官清波雜誌云亶知諫院商英私屬其婿王滂也癸辛雜識云李處全論韓玉玉亦以處全請託私書爲言明沈德符野獲編云房寰發張鼎思陳吳峰屬託提學書識者有戒心往還筆札或云望焚毀或云乞卽擲還是又自寫小人情狀也今求繳私書者令狐岷周時節鎮高若訥呂惠卿吳鼎臣舒亶韓玉房寰不繳者杜業孫會宗袁敞錢徽李兌李京皆不足定事是非以情言之可告友者必可告君亦有周旋彌縫期於大道者紛紛繳進則於事

落鄭朗等十人乃貶徽徽徇無學士聽請有據何得飾言段李有書已不奏耶唐摭言云大厠改元建中禮部侍郎令狐岷知舉執政以薦託不從勢擬傾覆岷惶恐甚因進其私書上謂岷無良竄逐之後十年量移明州亦見本傳此唐君多妄致人臣進退無據不可爲訓五代史周王峻傳云峻求退以偵太祖之意未陳請之前多發外諸侯書以求保證浹旬之間諸道馳騎進納峻書峻蓋犯眾惡者也宋史歐陽修傳云范仲淹謫外脩以司諫高若訥不救貽書辱之若訥繳奏其書乃貶脩趙葵行營雜錄李元綱厚德錄並云慶厠三年李京薦其友人於吳鼎臣求聞達於朝廷鼎臣卽繳其書京坐貶官京妻往鼎臣家云乃公嘗有數帖與吾夫禱私事恐汝家終以爲疑索火焚之而

去此則匪人用比後每者凶無所謂厚德也未卒由有書則六

諭旨爾等正可由此謝絕知交屬託之私七年四月初七日山西學政勵宗萬奏太監解進朝私書請託 諭云凡私書請託者皆夤緣僥倖之徒若內外官員肯據實參奏則鑽營之弊可息勵宗萬此奏甚屬可嘉著吏部議敘嘉慶四年五月江西布政使顏檢奏原任工部主事魏若虛入京駐舟南昌致書布政使使出差通查牙行令各差役關說斂貲餽送盤費屢書劫制魏若虛發遣五年五月御史周栻言顏檢與魏若虛平日既有交情卽不宜賣之見好若虛後戍滿於八年二月過京城謝周御史又上條陳請

恩免錢糧仍行征貯又請收京城鋪戶閒架銀遂重得罪是年湖南學政吳省蘭奏蘇州總捕同知醴陵人李焜私書請教誨胞姪李馥元李德元李體元事李焜發遣

有損若陰邪不可告人之事公然著之簡牘責令君子改行從  
己其險螫之性非可理遣奏之則絕其滋蔓且爲世去一小人  
眞厚德事也是故小人告訐者無與於己之事又或借公復仇  
怨君子義當奏者險戾之人牽己犯法之事夫世之小人其爲  
計皆自處於巧而薄而責君子以愚而厚羣小人又從而和之  
以爲君子厚德必不肯殺小人漸牽引劫制之則不得不爲小  
人死君子不幸識一小人必使終身爲其所累不許之拔身自  
救此何聖人所創之法也哉我

朝康熙四十一年閏六月山西巡撫奏太原知府舉首左都御  
史李柟請託私書李柟降五級畱任雍正四年十月初二日以  
查嗣庭私書質審事

論云嗣後有私致書卽將原書密封進呈今特頒此

癸巳存稿卷十

駁俞正燮理初

金石文古多僞論

許慎說文云郡國往往於山川得鼎彝其銘卽前代之古文是始重金石文者也文中子周公箋云邳公好古物鐘鼎什物珪璽錢貝畢具至趙宋卽以此名學然周穆王吉日癸巳石刻乃小篆吉日癸巳巳字作戊己之己其僞可知漢書郊祀志云李少君見上上有故銅器問少君少君曰此器齊桓公十年陳於柏寢巳而案其刻果齊桓公器一宮盡駭此或真器少君探知之而南史劉杳傳詩魯頌正義並云齊人掘地得齊子尾嫁女牛尊正作犧牛狀其事已不可信宜興有陸機撰晉故散騎常侍新平廣漢二郡太守尋除楚內史御史中丞使持節大都督

論以吳省蘭據實具奏甚屬公正交部議敘道光十六年七月  
黑龍江將軍哈豐阿繳奏在京大員高喀鼐干與本地公事書  
信攬權挾制高喀鼐得罪

諭以哈豐阿秉公持正不避嫌怨加太子太保銜授內大臣蓋  
法如是而君子始有以自救矣

李元不應豫知也是亦穆王刻石之類明有隋大業君臣銜署  
石刻蘭亭序又宋人傳唐太宗所得王羲之手刻樂毅論石本  
今尙有傳者又有宋刻王羲之小楷大學石本廣爲謬誤以相  
誑耀其器鑄字說文止謂之銘論衡道虛篇言今人見舊劍古  
鉤皆能名之亦以銘爲名名者字也漢書郊祀志言戶臣鼎有  
款識注云款刻也識記也其說至通言刻字記之耳宋人乃造  
野言博古圖云款在器外識在器內夏器無款殷器無識張世  
南游宦記聞云款謂陽字識謂陰字二謬傳說至今甚可嗟憫  
也

### 開元通寶讀法

舊唐書食貨志云武德四年七月行開元通寶錢其詞先上後  
下次左後右讀之又云自上及左回環讀之其義亦通流俗謂



塗中京下諸軍事平西將軍孝侯周府君之碑唐元和六年縣令陳從諫重立黃某書塗中京下都督乃吳官周處入晉不爲此官且碑言處父魴爲新平廣漢二郡太守碑題與文皆僞也唐闕史云裴休親表宰曲阜土人墾田得古鐵器如盎有古篆九字曰齊桓公會于葵邱歲鑄劉蛻曰葬而虞卒哭乃謚葵邱歲爲桓公三十年未卒不得以謚稱也休悟命擊碎之五代史唐六臣傳云張策父同爲邕管經略使策少好學同居洛陽敦化里浚井得古鼎銘曰魏黃初元年春二月匠吉千十一字策曰建安二十五年改延康十月又改黃初是黃初元年無二月也二器皆初出土者蓋已先售其欺矣避暑錄話云長安李氏有端硯刻字云天寶八年冬端州東溪石刺史李元書劉敞辨之云天寶稱載不稱年時爲郡爲太守至德後始爲州有刺史

永寶亦自有義宋姚寬西溪叢語引李審言記聞云唐錢文有  
乾元重寶開元通寶世俗淺者曰乾重元寶開通元寶朝士亦  
有如此言者尤可笑也蓋宋時錢文有回環故朝士言如此不  
悟開通之義亦止庶幾乾重之名必不可解執一孔之見反謂  
開元爲非則不思之甚矣西溪叢語又引唐六典謂之開元通  
寶合之唐志開元之義可知又開元錢背有肩文能改齋漫錄  
引談賓錄通鑑考異西溪叢語俱引凌璠唐政錄要畫墁錄俱  
言進蠟樣時寶皇后甲痕通鑑考異引辭當唐聖運錄云文德  
皇后甲痕能改齋漫錄引青瑣集考古質疑引涉世錄俱云開  
元時楊妃甲痕其言雜出人與年不相應其言甲痕亦自有義  
漢時西域鬪賓錢文騎馬冪人面烏弋山離錢文人頭冪騎馬  
安息錢文王面冪夫人面錢有后妃甲痕宜也開元錢亦有無

之開通元寶乾封錢流俗乾字在上封字在左尋悟其誤卻用舊錢然則乾封元寶元字不改開元元字之位此元寶之誤一也宋史食貨志云(道)化時改鑄(道)化元寶自後皆以元寶爲文至寶元時仍曰通寶然則北宋人見宋時元寶因以今概古所謂一孔之見此開通元寶所以致誤者二也隋唐嘉話云今開通元寶錢武德四年鑄其文歐陽率更所書畫墁錄云開通八分與篆體錢皆不復見今則不然自明天啟三年收古錢歸爐改鑄後楷字錢少八分字錢尙多流傳者惟開元開通有異議耳博異記有上清童子元寶岑文本曰元寶錢之文也太平廣記言唐元宗時王元寶巨富時人呼錢爲王老摘取錢文耳蓋武德時鑄開元通寶自取佳名後開元年號同之猶明時日本

鑄寬永通寶後亦寬永年號同之(回)環讀爲開通寬通則元寶

背文曰丙曰午又有背文上戶左戶上工左工左同大上陽左

陽和上福建左云雲上臨左臨清上東濟左東上襄襄上荆荆

左荆上宣宣左宣上原太左原上昌南上甯甯上浙杭州左浙上

河開左河上薊薊州左薊上制左延延右延皆順治十年以前之

錢其背文戶一釐工一釐陽一釐同一釐福一釐臨一釐江江甯

一釐宣一釐原太一釐薊一釐昌南一釐甯甯一釐河河一釐

浙一釐陝陝一釐雲雲一釐則十年所定重一錢二分五釐者

後又加鑄如當二錢背文左漢右清文曰同福臨東江宣原薊

昌河甯浙陝陽亦有左清文右原字者其京局寶泉寶源皆清

文此十四年以後錢雍正七年定例寶泉寶源寶直等皆清字

布貨說

古人所謂貨賄財皆從貝不必是金其貨布銅鑄者王莽時物

甲痕者又有地名京洛潤益者則會昌時鑄也魏書高道穆傳云表請改鑄大錢載年號以紀其始及宋孝建錢不言年號在面在冪火珠林以五銖錢有字者爲陰實則孝建四銖太和永安五銖及有年號錢當以有字者爲陽與鏡背碑陰其用不同也

天命天聰順治通寶

嚴君可均所藏錢天命錢有清文有漢字清文爲阿布喀衣之汗稽哈福甯阿天聰錢有清文

皇朝通考錢幣考云天聰通寶一爲滿文一漢字嚴未見漢字錢也今海州武洪甌有之崇德錢云未見順治錢有背文曰一

曰二曰一兩其穿上曰十又有無背文者

今說鈴後集述異記言康熙四十一年嘉

興城隍廟河開出古錢一鐔有順治通寶錢數千背無字

度不中常式裂匹爲尺以濟有無徒成杼柚之勞不免飢寒之苦請新舊諸錢並得通行唐書食貨志云貞元宮市以中官爲宮市使取物於市以敝衣絹帛尺寸分裂酬其值觀魏晉北魏唐所行知用布帛不便巧僞則害人裂匹爲尺則害己此其弊也太公九府布於布束於帛則布錢也帛以束錢古人所謂錐刀之末錐分碎金刀分碎布古亦錢穀布帛金貝兼用耳

洋錢

洋錢最久漢書西域傳已言之其式已似今時但鑄玉面后面以世異耳其便於用在輕重勻易於交易故難驟改之明沈德符野獲編云嘉靖十年量授楊成章一官給郭珉賞以前此成章母嫡庶二人於海甯長亭巡檢署剖一銀錢至是成章珉各領其半於江西逆旅合之也知嘉靖前杭州已行洋錢矣

疑莽亦有所本今外域俱用錢而中國古時亦實有鼓鑄不能  
徧及之處周時納賄以錦至春秋時金猶未通行惟管子書言  
金戰國時金始爲貨相沿至今而亂離之際鼓鑄不給猶用布  
帛可知古用布帛亦自然之勢非可久因也魏志云黃初時以  
穀貴罷五銖錢用穀帛人多巧僞競以溼穀薄絹爲市嚴刑不  
能禁太和元年復行五銖錢南史孔琳之傳云晉桓元時議用  
穀帛琳之曰穀帛爲寶本充衣食今分以爲貨則致損甚多勞  
於商販之手耗於割截之用晉書張軌傳云索輔言泰始中河  
西荒廢遂不用錢裂匹以爲段數縑布旣壞市易又難徒壞女  
工不任衣用宜復五銖魏書食貨志云魏初民間皆不用錢自  
鑄太和五銖後洛陽及諸州鎮所用不同商賈不通任城王澄  
言河北旣無新錢復禁舊者專以單絲之縑疏縷之布狹幅促

諸島宋時已多外國年號銅器此當是日本之物日本元和當與荷蘭爭臺灣之時天主教方熾時琉球亦屬日本番字不知何語雜錄雜誌於二年八年丙辰壬戌有誤記耳大成年代廣記日本書也

日本寬永通寶

日本寬永通寶或讀作寬通永寶實則先以寬永取義日本寬永元年甲子當明天啟四年其三十年癸巳當

本朝順治十年明年甲午本國改元正保三元指掌大成年代廣記所記皆同徐氏葆光中山傳信錄云日本寬永元年當明天啟二年壬戌誤也

皇朝通考四裔考載崇德四年朝鮮奏繳日本國平義成所貽書署云寬永十六載己卯五月日則寬永信始甲子矣其紀年



琉球波上寺銅片

汪檢討楫使琉球雜錄云波上寺閣中扁固銅片上鑿番字背  
 鑿元和二年壬戌六字不解何義吳寶厓曠園雜誌云波上寺  
 小板閣像前銅片旛鑿奉寶玉幣四字餘皆番字背鑿元和二  
 年壬戌六字按元和以漢字紀年漢章帝元和元年甲申唐憲宗元  
 和元年丙戌皆去壬戌甚遠其他用漢字者安南則明史云嘉  
 靖九年改元元和則元年庚寅歷代紀年考當嘉靖十四年改  
 元則元年乙未去壬戌亦遠日本則大成年代廣記云百九代  
 後水尾元和元年乙卯當明萬曆四十三年其二年丙辰八年  
 壬戌所可知者惟此墨莊漫錄云昌國縣寶陀山望三韓外國  
 諸山在杳冥閒海船到此必有祈禱寺有鐘磬銅物皆雞林商

賈所施多刻皮國之三虎下子小

謂之狂夫則汲宜有太公之蹟清水注又云汲城北三十里有  
太公泉泉上有太公廟廟側高林秀木翹楚競茂相傳云太公  
之故居也晉太康中范陽盧無忌爲汲令立碑於其上嘉慶十  
二年冬至汲城西北三十里太公泉碑乃魏武定八年穆子容  
書入廟讀其碑云齊太公呂尙者此縣人也太康二年縣之西  
偏有盜發冢而得竹策之書書藏之年當秦坑儒之前八十六  
歲其周志曰文王夢天帝服元襪以立於令狐之津帝曰昌賜  
汝望文王再拜稽首太公於後亦再拜稽首文王夢之夜太公  
夢之亦然其後文王見太公而詢之曰爾名爲望乎答曰唯爲  
望吾如有所見於汝太公言其年與其日且盡道其言臣以此  
得見也文王曰有之有之遂與之俱歸以爲卿士其紀年曰康  
王六年齊太公望卒其語質野頗與他書不同莊子田子方篇

始甲子止癸巳今鑄錢仍用寬永者蓋以其名美三元指掌書  
名八卦通變指南見周氏琉球國志略

天壽太公碑

水經渭水注云磻溪水出南山茲谷呂氏春秋所謂太公釣茲  
泉也東南隅有石室蓋太公所居水次平石釣處卽太公垂釣  
之所其投竿踞餌兩膝遺跡猶在其地在斜谷北源之西清水  
注云汲城西北亦謂之磻溪城東門北側有太公廟廟前有碑  
碑云太公望者河內汲人也案史記云呂尙者東海上人孟子  
云居東海之濱古蓋傳聞異辭然秦策云太公望齊之逐夫朝  
歌之廢屠子良之逐臣棘津之讎不庸說苑尊賢篇云太公望  
故老婦之出夫也朝歌之屠佐也棘津迎客之舍人也則太公

楚事爲周食田法爲周穆王美人盛姬死事不知碑引周志是  
何篇書也宋書符瑞志云文王將畋史徧卜之曰將大獲非熊  
非羆天遺汝師以佐昌臣太祖史疇爲禹卜畋得皋陶其兆如  
此王至於礪溪之水呂尙釣於涯王下趨拜曰望公七年今乃  
見光景於斯六韜文師其言亦然但云史爲舜占耳寫本如此  
釋史引作  
爲禹聖賢遺蹟記者多異詞不足爲疑或曰禹奈何得皋陶宣十  
六年左傳羊舌職云禹稱善人不善人遠卽論語子夏言舜舉  
皋陶不仁者遠由禹稱之也古書蓋備列其事今人以不見而  
疑之又李石續博物志汲有太公廟潞北有伏生冢皆本水經  
而王士禎香祖筆記云李石附會可笑其笑不在七情之中者  
也

伏生碑

云文王觀於臧有一丈夫釣文王欲舉而授之政恐大臣父兄弗安也於是屬諸大夫曰昔者寡人夢見良人黑鬣而髯乘駿馬而偏朱蹄號曰寓而政於臧丈人庶幾民有瘳乎諸大夫蹴然曰先君王也王其無他遂引臧丈人而授之政三年以爲太師北面問政臧丈人昧然而不應泛然而辭朝令而又遁終身無聞疑卽太公事而別傳爲臧丈人又言辭遁以掩之其言帝命同一託之於夢史紀其事耳周志非誣也晉書束皙傳云太康二年竹書數十車大凡七十五篇曰紀年十三篇曰易經二篇曰易繇陰陽卦二篇曰卦下易經一篇曰公孫段二篇曰國語三篇曰名三篇曰論語師春一篇曰瑣語十一篇曰梁邱藏一篇曰繳書二篇曰生封一篇曰大歷二篇曰穆天子傳五篇

曰維書十九篇曰籙書斤襲不識名真音之書維書分

爲邱氏並無異說顏師古急就章左地餘注始言左邱明本魯左史繼守其職遂爲姓元和姓纂亦兼存其義古譜學由上及下始有世系唐以後譜學則先列一姓而後搜古名人以實之此左邱明之所以入於左也今人又言左思爲左邱明後且爲之說曰據左思爲邱明子孫在山東者姓左不姓邱嘗檢晉書以質之晉書云左思齊國臨淄人其先齊之左右公子左思家世儒學遡譜爲姜裔不曾妄引邱明不得有此一據也其人不信久之乃謂風俗通不可信及言伏生墓又謂水經注不可信如此則妄作而已矣

省堂寺碑跋

右省堂寺碑拓文碑在莒州大山東麓文十八行頌五行年月一行行三十六字文首有文起二字在格外蓋前有刻像此本

魏張晏字子博中山人其漢書儒林傳伏生注云名勝伏生碑  
言也後漢書伏湛傳則云伏勝字子賤顏氏家訓書證篇云隋  
永昌郡城舊單父地東門有孔子弟子處子賤碑漢世所立言  
沛南伏生卽子賤之後是漢人言伏生祖孫同字張晏所言伏  
生碑當是墓碑酈道元亦魏人宦於山東其水經河水注云潔  
水又逕伏徵君墓南有碑今尙存是伏墓碑魏時尙及見之今  
鄒平亦有伏墓其地在水經濟水南與有碑之墓隔濟潔二故  
渠僞也史記漢書俱言文帝使掌故鼂錯往受尙書水經注碑  
云使掌故歐陽生等

邱氏

左邱明子孫爲邱氏見廣韻引風俗通最確矣宋吳曾能改齋

從乃者不知從刀則是爾雅鳩鵠剖葦謂從人從乃者又不足

言矣臻兼雅璞俗琛兩體而字不全苑卽苑何忌苑羊之苑而

加六音綿青州齊臨淮王像碑神爵集苑亦然咎字作咎同文門

齊乾明時碑殘缺中見半字亦卜右多一筆蓋取茂美碑搏從專

字應作藹薄壁柱也穿應作穿莞應作莞勢應作勢豎應作望

皆用俗怪字袞亦族別體或亦作挨或又作袞魏高澄碑此非齊高

澄墓在德州率袂攻圍族旅皆從衣不可解也碑徒作徒脩作脩案

易繫傳損德之修也釋文馬融本作德之循也管子抱蜀不言

而廟堂旣循一作旣脩左傳修及元冥呂氏春秋作循史記文

帝紀循從代來功臣漢書作脩蜀志後主傳及費禕傳郭循張

嶷傳及魏志齊王芳紀作郭修韓文考異方氏云唐人書脩近

循楚辭亦有悞者皆脩之佳證也歡作歡知觀勸及舊舊舊等



可識者七百餘字無題額無撰書人姓名其文云三十五人等  
 頌則云九十人等蓋後猶有題名其署大唐永徽元年歲次庚  
 戌四月二十八日刊小滄浪筆談云永下庚下字不可辨唐年  
 六永惟永隆庚辰元斷為永隆時碑誤也碑有甯道願莒州志  
 云有道顯字碑有苑副督公亮志斷副督云有副督字碑三十  
 五人字甚明志云有三十六人字碑云脊枕五星飛蕙挂月近  
 視與五嶽爭峰志斷月近云有丹道字碑云蘄湯止沸東矚原  
 隰之澤志斷沸東矚三字云有沸騰字碑云莊嚴以洛浦之珠  
 志云有粧斂字方志誤也碑中尠乃鮮字隰乃隰省魏永平時  
 鄭文公碑使協皇華原隰斯光亦然粧嚴嚴近分書孔廟同文  
 門魏正光碑陰兩嚴姓青州殘碑嚴胡道亦然鼻下刀卽夕

殊音

轉宋人或以為從人言鼻人鳥隸刀卽鼻人也故又為非鼻可

加心亦是古文其暉作暈則德州魏高貞碑清暈字亦同渥中  
泥加土入其綜宗加糸

音覘

蹬彼岸蹬入正登加足巉魄崔又加

山茵則園加草成佰仁則伯加一敖字初不可識偃師金石志  
齊孟阿妃造老君像記息子敖云敖不曉何字今思之實止敖  
字加一筆耳幹則幹加一高澄碑氣幹英發亦同高貞碑則作  
幹又澄碑憑春灑翰席月抽琴今人於幹翰中多喜加一筆有  
由來矣碑云眉間毫相儼若五山又云去仕傍惶又云基柯朽  
爛事曠難周應是玉山去住基柯朽爛書丹時誤也知是書丹  
時誤者漢張遷碑云荒遠旣殞定是賓誤加反又云爰旣且我  
君定是暨字誤分兩格禮雜記甕甗笱衡實見間祭義見間以  
俠甗亦甗分爲二字也魏高澄碑銘云痛矣離長上乃池枝爲  
韻定是長離誤倒蓋出泉書文各司其事不復衆校古人道至

俗別之情圖字作畺一切經音義引衛宏定官書云圖畺二形同說文畺古文畺汗簡以畺爲圖古文而以畺之古文爲畺蓋無稽之論然圖畺實通寫衛宏詔定官書時已有之今之鄉畺是圖字從都團轉音又圖以輔籍自周時已然明制有圖冊里冊之首有一圖故曰某圖或云當從周禮都鄙讀畺爲鄙不知以畺爲圖胥吏書如此漢官書亦如此豈得人皆言圖而獨言是鄙也阝字省去今國字中從王王者草書或字也其終淪作終論測妙作惻妙刻削作剋削悟道作悞道涌出塔涌作踊皆聆音可知碑云說菩薩空之事借菩爲普也頌中純隱等供純爲紉形轉紉隱者謂沙門及居士以純當緇禮論語皆有之混屯屯作毛風俗通言毛姓水經注言屯氏河皆言屯毛中有毛字

致譌頂祀禮本古文書大專禮曼糾曼所以目也

形入湯之總名晉束皙餅賦文字多譌其云麪迷離於指端手  
縈迴而交錯或以屬之牢丸其事狀似今之挖搭湯及片兒湯  
而牢丸之名又今之湯圓不相應也魏賈勰齊民要術餅法有  
水引餠餠有膏環其水引餠餠云按如箸大薄如韭葉一尺一  
斷盤中盛水浸又云粉餅同其膏環云米屑溲如湯餅麪手搦  
圈可長七八寸許屈令兩頭相就然則水引餠餠者湯餅中水  
引麪條也粉餅同者今粉絲也膏環如湯餅麪者今饊子也而  
水引餠餠之名則又今之湯餠餠亦謂之扁食不相應也歸田  
錄云湯餅唐謂之不託今日餠餠知宋時專以水引麪條爲湯  
餅與齊民要術所言者合但名不同耳傷寒論云食以索餅今  
醫書則謂之湯麪又謂之麪湯清異錄云釋鑒興天台山居頌  
湯玉入甌謂湯餅瑩滑蓋湯餅爲湯麪總名又云金陵士大夫

如此至往劫求師衆多裊那瀆于五嶽天宮愛性復有日居月  
諸雜以分篆唐六典云石經碑碣大篆分書也六朝唐初風氣  
以分篆隸及假借俗別雜合一石景龍以後希覩斯製矣其言  
雙樹生雙待郎蓋小名云故佛堂是修葺也而云建立則侈言  
之云其捨五家之財佛書云人生見在財產五家所其何謂五  
家一曰國王官長一曰水火一曰盜賊一曰刀兵一曰不肖子  
孫是也又曰造石碑像卽是此石嘉慶壬戌小除日

麵條古今名義

麵條子曰切麵曰拉麵曰索麵曰挂麵亦曰麵湯亦曰湯餅亦  
曰索餅亦曰水引麵釋名云湯餅索餅隨形名之宋張師正倦  
遊雜錄云水淪者皆可呼湯餅籠蒸者皆可呼籠餅是也索餅

乃今麵條之專名其易辨則凡麵餅(易及)可辨(辨)之

德懋言牢九是包子亦向壁之言老學叢談云牢九者牢丸也  
卽蒸餅宋諱丸字去一點相承已久亦向壁之言北宋蘇軾集  
已作牢九豈知豫避靖康嫌名耶其言丸去一點爲九今市語  
九爲未丸猶然

豆生老說

書大傳云火昏中可以種黍菽宋陳敷農書六種之宜篇云四  
月種豆七月成熟矣是豆夏生秋成也雜陰陽書云豆生於槐  
九十日秀秀後七十日熟又云豆生於申壯於子長於壬老於  
丑死於寅惡於甲乙忌於卯午丙丁小豆生於李六十日秀秀  
後六十日成其生壯長老惡忌與大豆同凡種五穀以生壯長  
日種者多實以老死惡忌日種者收薄云云生申死寅之日亦  
見齊民要術蓋以物性于支好惡言之非言月建也豆實秋成

家濕麪可結帶則專指麪條齊書何戢傳云太祖好水引麪  
戢令婦女躬自執事設上焉唐書王皇后傳云獨不念阿忠脫  
紫半臂易斗麪爲生日湯餅耶嬾真子云湯餅卽世之長壽麪  
宋樓鑰北行日記云乾道五年十一月十五日生朝作湯餅元  
張翥最高樓詞壽仇先生云願年年湯餅會樂情親水調歌頭  
詞自壽云臘瓮開紅玉湯餅煮銀絲真水引麪矣生日湯餅古  
人生子亦設湯餅唐劉禹錫贈進士張盥詩云憶爾懸弧日余  
爲坐上賓舉箸食湯餅祝詞天麒麟大明會典百三皇太后壽  
旦正統閒有壽麪東宮千秋節宣德閒有壽麪乃取湯餅麪條  
長壽之意宋馬永卿懶真子謂之長命麪其爲長條可知

牢丸

牢丸之爲物必是易團以夾之生空

而生者也其形似芝

羊分去皮黏皮義

羊皮爲裘本不應入烹調鈞磯立談云韓熙載使中原中原人問江南何故不食剝皮羊熙載曰地產羅紈故耳乃通達之言洪皓松漠記聞云金人宰羊但食其肉貴人享重客間兼皮以進必指而誇曰此燂羊也或金人召皓食效南味故指而告之使之多食未必享重客用此且亦何至誇也著書者多不識人本意致失其實嘉慶甲戌乙亥後鐵門有回回賣兼皮羊名曰禮羊其價倍於市價必四斤而後賣由此致富眞能人也

書鎮洋縣志後

右志乾隆九年修者後冊載王忬留巡按飯子鷺用雞首尾曰御史無食鷺例也按王世貞家乘考言其父以御史家居巡按



淮南子地形訓云黍春生秋死菽夏生冬死麥秋生夏死薺冬  
生中夏死豆自有五月種十月收者王褒僮約云十月收豆太  
平御覽引注云十月民輸租據收斂畢始輸租則租非十月之  
豆其文以韻讀之豆亦租字之誤惟宋祁益部方物略記佛豆  
別一類秋種春斂此卽胡豆張騫使西域所得與麥同種同收  
亦名蠶豆以蠶時熟也黠謂之北豆如倭瓜北瓜也

芝栴解

老學叢談云無花果醞醋內則注無花而實者名栴江東人以  
楊梅煎汁飲之卽內則之醞內則桃諸梅諸諸卽菹也濫卽乾  
椹云云檢內則芝栴正義庠蔚云無花葉而生者曰芝栴王肅  
云無花而實者名栴賀氏云栴軟棗今按栴軟可通軟棗卽丁

紅娘過釭酒婦女簪花釭面分餅時翦紅紙蒙之題以喜字按  
籩從米亦作鞠亦作麩從麥今所謂大麩者蒸搗大麥爲之而  
黶麩多從生藥鋪敝籠埽廢藥屑合作麩如棋子大且偏重附  
子烏頭蕘蕩以麥麩黏之宜其腥劣忽得色紅甘冽者真可喜  
也

青海鹽

政和經史證類本草朱書神農本經云戎鹽主明目目痛益氣  
堅肌骨去毒蠱名醫別錄云戎鹽一名胡鹽生胡鹽山及西羌  
北地酒泉福祿城東南角北海青南海赤蓋兼吉蘭泰河套及  
青海之波羅沖科克言之是西羌之鹽古入中國佛書言大信  
度國出赤鹽色如赤日白鹽黑鹽及白石鹽等異域遠方以之  
爲藥西夏時鹽宋人謂之青鹽內地大行見宋史孫甫鄭文寶

來訪則留飯腥蔬不過十簋或少益糖蜜果餌海味之屬進子  
鷺必去其首尾以雞首尾益之曰御史無食鷺例也其言例甚  
奇檢正德四年大明會典百零三百零四精膳司筵宴天順初  
外蕃有鳳鷺其下程則王國及差來人衍聖公張真人外蕃皆  
有鷺今

大清會典光祿寺一等漢席二十三盃有鷺雞鴨二等二十盃  
有雞鴨三等十五盃有雞然則十簋不用鷺鴨王忬蓋以御史  
明七品公宴不用上等饌家居留客飯何須襲官例又作偽益  
非矣

酒

黻俗清明汲水釀酒爲一年祭祀之用然不得佳籥酒多腥劣  
或得色紅甘冽者族鄰相賀以爲此古所謂福祿水也亦謂之

也幘頭卽屮首卽今包頭幘被衣幘卽包被衣包其從衣之襪  
爲或從字襪則今俗字

### 錦地

魏志倭國傳云絳地交龍錦五疋絳地縹粟罽十張紺地句紋  
錦三匹臣松之以爲地應作緋漢文帝著皂衣謂之弋緋是也  
地字不體非魏朝之失則傳寫者之誤也案緋爲厚縉錦爲織  
采絲罽爲氈字今作毯亦織采毛也旣爲緋則不得爲錦爲罽  
矣凡繪畫之事皆有地錦罽皆織畫當有地地字正體也

### 火浣布說

後漢書西南夷傳注引神異經云南方有火山生不燼之木晝  
夜火然火中有鼠重百斤毛長二尺餘細如絲色白績作布若  
汗以火燒之則清潔太平廣記載梁四公記云南海商齋火浣

傳又泊宅編云西安州卽唐鹽州西至流沙六日沙深細沒馬無水源但乾沙耳又二日至西海水味不甚鹹中有顆鹽大者重三四斤其色紅瑩軍行以和食飲池周迴可三十餘里四旁皆山中役夫三千餘絕塞難得鹽自熙河蘭鄯以西仰給於此其云青鹽則別錄所謂北海青也其云紅瑩則別錄南海赤也明陸容菽園雜記環慶鹽池有水晶鹽方塊如骰子有鹽根如石可規爲槃孟甘肅甯夏有青黃紅池鹽

### 幘

史炤通鑑釋文於衣襟云博木切爾雅裳削幅謂之襟胡三省辨誤云爾雅乃縠字此襟當音房玉切吧也所以包裹衣物俞玉吾席上癡談云幘頭以幅巾裏首字音伏與襟被之襟同今

譌音爲僕是宋時多有誤音說文云幘吧也集韻逢玉切云帕

漢時始至中國宋時則尋常南貨矣姜紹書韻石齋筆談云火浣布色微白以手拊之則餘粉染指如弄蝶翅此則木皮所績餘脂猶在亦常物今四川越巂廳番地五蠻山石縫中有草根名不朽木其性純陰織成布用火浣四川通志云窮人乃用之也抱朴子論仙云魏文帝謂天下無切玉之刀火浣之布及著典論嘗據言此事其閒未期二物畢至帝乃歎息遽毀斯論今案文帝謂世稱火鼠毛爲布垢則火浣如新者妄也火無生育之性鼠焉得生其閒爲典論刻之太學明帝世有奉此布來貢者乃刊去此碑而列子湯問篇云周穆王征西戎得鍬鍬之劍火浣之布布浣則投之火出火而振之皓然疑乎雪皇子以爲無此物傳之者妄也蕭叔曰皇子果於自信果於誣理哉列子晉人王浮葛洪以後書也以仲尼篇言聖者湯問篇言火浣布

布三端二是緝木皮所作一是績鼠毛所作木堅毛柔史記大宛列傳正義引萬震南州志云大秦海中斯調洲上有木冬月往剝取其皮績以爲布與麻焦布無異色小青黑若垢汙入火中便精潔世謂之火浣布秦云定重參閒門樹皮也又引括地志云火山國火中有白鼠皮及樹皮績爲火浣布梁任昉述異記云南方炎火山四月生火十二月火滅火滅之後草木皆生枝葉至火生時草木葉落取木皮績之爲火浣布明鄭露赤雅云苗中火浣布有三種一畢方麻一祝融木一火鼠毛其用之者後漢書西南夷傳注引傅子曰長老說漢桓時梁冀作火浣布單衣會賓客行酒佯汙之燒之垢盡火滅粲然潔白如水澣也宋蔡條鐵圍山叢談云火浣布若木棉布色青黯投火中則

潔白宣和政和以後盈盛而至御府初爲巾壽裙袍之屬蓋東

借目之謂是草屨不近情也鹽鐵論散不足云古者庶人鹿菲草芟縮絲尙韋後則綦下不借鞵鞵革舄今富者革中各工統裏紉下越端縱緣中者鄉里閒作而婢妾韋沓絲履依此則不借非草非革非韋非絲之專各四者皆可名之義音通薄藉有綦而苴薄今之薄底鞵耳

畝制

步弓之數著書者多不詳言案秦商鞅開阡陌平斗桶權衡丈尺行之弓過六尺有誅蓋周以八尺爲步秦以周尺六尺爲步六國及漢初以周尺六尺四寸爲步周制步百爲畝八尺步也商鞅改二百四十步爲畝六尺步也六國東田步百爲畝六尺四寸步也鹽鐵論未通篇云古者步百爲畝先帝制田二百四十步而一畝漢武帝改東田六尺四寸步也自周以後漢武以



知之王弼書以對書也以中風氣言聖書問誠言火器市

無也不借之書也蕭姓曰皇于果欲自計果欲適野結反于

周官弁師注云璜讀如薄借綦之綦儀禮喪服繩菲注云今時

不借也疏云周時謂之屨子夏時謂之菲漢時謂之不借凶茶

屨不得從人借亦不得借也釋各云齊人謂韋屨爲菲以皮作

之亦曰不借言賤易有宜各自蓄之不假借於人也齊人曰搏

腊是皮屨方言云絲作者謂之屨麻作者謂之不借急就章裳

韋不借爲牧人顏師古注云小屨也以麻爲之是麻屨崔豹古

今注云不借草屨也漢文帝履不借視朝是草屨三說不同按

東方朔傳云孝文皇帝足履革舄注顏師古云革生皮也革舄

不用柔韋言儉率貢禹傳云孝文皇帝衣紕履革揚雄傳云紕

衣不敝革鞜不穿蓋天子本有皮屨漢文不求精麗臣下以不

三百六十步中畝七百二十步大畝不同糧畝數也江南畝制  
又異徽州平疇水田畝積百九十步斛水田積二百十步高原  
田積二百六十步山田積三百步屋基墳墓地積二百步次者  
積二百五十步又次積三百五十步山地積五百步城中附治  
等正地一等正三十步二等正四十步三等正五十步四等正  
六十步當田一畝此一清釐等則也又一清釐等則步弓方五  
尺畝積二百四十步凡地一畝歛折田五分六釐一休甯折七  
分三釐八婺源源折六分一釐五祁門折六分二釐七黟折五分  
四釐五績溪折五分八釐三山一畝歛折四分三釐四休甯折  
二分二釐一婺源祁門俱折二分二釐二後祁門攤入田黟折  
一分三釐三績溪折二分零二塘一畝歛充一畝一分九釐一  
績溪充一畝零一釐一休甯婺源祁門不充不折黟折六分四

前計之畝有四等六國漢初東田最小周田次之商鞅田次之漢武東田最大魏書高允傳云古人言方一里今田三頃七十八畝百里爲三萬七千頃今推其數微誤方里爲三頃七十五畝方百里爲三萬七千五百頃卽漢武法通典言唐制同舊唐書職官志戶部云凡天下之田五尺爲步步二百四十爲畝畝百爲頃竇儼唐書音義云小畝百步周制中畝二百四十步漢制大畝三百六十步齊制宋時用中畝則趙宋以前皆二百四十步別有小畝大畝之名今亦然今尺大五尺爲步順治十一年定以二百四十步爲畝會典云丈量州縣地用步弓旗莊屯地用繩民間以二百四十步爲糧畝其大制則縱黍營造尺長五尺爲弓方五尺爲步畝積二百四十步里長三百六十弓頃有百畝頃積二萬四千步畝爲十分分積二十四步河北又自有

在村村打稻聲元宋裴詩云城南父老髮垂肩拄杖支頤話可  
憐餽飪不甜寒具小風光那似十年前皆佳詩也因覽陸詞拉  
雜書之自古巧詐亂離之時必力農者勝管子小匡言立甯戚  
爲大司田云墾草入邑辟土聚粟多衆盡地之利齊所以霸秦  
開渠力耕卒并六國蕭何撫循關中轉粟餉軍韓信初歸漢漢  
以爲治粟都尉光武使寇恂力農河內爲爭天下根本袁紹軍  
食桑椹袁術軍食蒲羸魏武於許屯田州郡並置田官司馬懿  
言天下不耕三十餘年請務農積穀昭烈入蜀倥傯戎馬首立  
督農官魏蜀烏得不建國也魏太武帝問高允政以何先允言  
廣田積穀公私有備太武爲除封禁良田之令以賦百姓魏以  
富彊洛陽搢紳舊聞言張全義在洛時民間相語大王於好聲  
伎等閒不笑獨見好蠶麥笑耳此亦蕭何之功惜所事非人然

釐其衛戶屯田執田不出運者輸津貼銀由州縣衛所官徵解  
散給運丁如運丁就近自向佃戶取租者聽新安衛屯田每畝  
津貼銀八分

陸景思秋成詞

八釐三山一海  
三釐四公三釐四  
村南村

有秋爲古今君相所重齊東野語載陸景思賀買相生辰甘州  
詞云滿清平世界慶秋成看看斗米三錢語從來活國論功第  
一無過豐年辦得閒民一飽餘事笑談閒其人雖不終言不可  
廢惟其言係頌公田故云閒民飽也斗米三錢乃漢永平唐貞  
觀時事不及漢宣時石米五錢若梁侯景亂時斗米八萬錢其  
世界可知矣唐聶夷中詩鋤禾日當午汗滴禾下土誰念盤中  
餐粒粒皆辛苦古今皆服其遠到宋呂夷簡爲郡守上言乞不  
稅農器眞宗知其可爲宰相楊萬里詩云昇平不在簫韶裏只

造尺一尺一寸一分一釐一毫律尺一尺三寸七分一釐七毫  
營造尺一尺裁尺九寸律尺一尺二寸三分四釐六毫律尺一  
尺裁尺七寸二分九釐營造尺八寸一分天三百六十度在天  
一度在地二百里與數理精蘊同是用縱黍尺五尺爲步一千  
八百尺也古言在天一度在地二百五十里是用橫黍尺五尺  
爲步一千八百尺也橫黍尺地周九萬里縱黍尺地周七萬二  
千里

指寸

宋史律麻志云崇甯時制樂魏漢津請帝中指寸爲律徑圍爲  
容盛取身爲度之義則可云布指知寸則非也大戴布指知寸  
言平布十指卽是古一尺指廣一寸何休公羊注側手爲膚四  
寸鄭注投壺四指曰扶四寸鄉射記握素一膚皆一指案寸古

朱梁富彊不可及矣金史宗雄傳云按視秦州地土北京包其

土來奏云其土如此可種植太祖從之徙萬餘家屯田秦州宗

敘傳云請募貧民戍邊屯田給以廩粟世宗以為盡心於國此

皆事在買前者屯田公田利害當別論愛陸詞為廣之唐德宗

言朕以時和年豐為嘉祥杜棕言願陛下專以百姓富安為國

慶此固非小朝廷所能當也欲積求田挾漕並置田官以

尺舊尺粟積糧賦知對家師代異博內為年天不跡本竟歸軍

會典云橫黍尺當縱黍尺八寸一分縱黍尺當橫黍尺一尺二

寸三分四釐五毫七絲一忽三微湖海集云工部尺合一百三

十五黍戶部尺合一百四十八黍成君權云工部尺合一百三

十五黍十分黍之二外營造尺合一百三十六黍十分黍之七

又案今修會典縱黍為營造尺橫黍為律尺俗用裁尺一尺營

斗積三百十六寸斛積千五百八十寸石積三千一百六十寸  
升方三寸深三寸五分一釐斗方六寸五分深七寸四分七釐  
九毫斛方尺深尺五寸八分石方尺四寸深尺六寸一分二釐  
較康熙時升斗畧小數又有小升斗以官石一石作三百三十  
二分一分爲一升二十分爲一斗十六斗爲一市石仍多十二  
小升案史記孔子世家正義云六萬小斗當今二千石是唐合  
三爲一之數宋史皇祐新樂圖記云黍斗三斗當今二斗九升  
五合則皇祐樂斗比古略大沈括夢溪筆談云古六斗當今一  
斗七升九合則宋時官斗視唐斗又大元史食貨云至元十九  
年令輸米者止用宋斛蓋以宋一石當今七斗故也則元初用  
遼金斗尤大矣今黥升乃古升其稱租則以二十斤爲一秤其  
大數秤以三百二十兩石以三百二十升



尺止如此若大人中指中節之長或不止今尺一寸矣且非布

義也亦十計也景古一尺計幾一也同於公羊玉明乎欲觀四

谷盈石斗升其文義限可云計計成也限非也夫觀亦能賦六

漢石千合止古稱千兩六十二斤半今稱二十四斤同度記云

考工石方尺深尺五寸六分二釐五毫積千五百六十二寸五

分以方尺計之深一毫者積萬萬毫六分二釐五積六百二十

五萬萬毫今積立方一寸當千萬萬毫積立方一分當百萬

毫此當云積千五百六十二寸又云石重百二十斤合今三十斤

寸五百分刊本遺卻百字四兩三錢七分五釐釜方尺深尺又云漢石方尺深尺六寸其

言於古不能合今量數則順治十二年頒官斛康熙四十三年

又定升方四寸深二寸容三萬二千分斗方八寸深五寸容三

十二萬分方寸積百分立每斛五斗積一百六十萬分雍正十

年定求升斗斛石以寸法定容積之率升積三十一寸六百分

職官志有給炭月二百秤月百秤月三十秤月二十秤青箱雜  
記云楊億與王旦書曰山栗一秤聊表村信夢溪筆談云施昌  
言發尸毘墓得千餘秤炭侯鯖錄云元祐六年汝陰作院有炭  
數萬秤酒務有餘柴數十萬秤宋史職官志奉祿制上云宰相  
樞密使歲給炭十月至正月二百秤餘月一百秤以下三十秤  
十五秤二十秤墨莊漫錄云翰林司金丹閣日供炭五秤清波  
雜志云蔡京庫中點檢蜂兒現在數目得三十七秤是在宋見  
於官文書流爲常談也大金弔伐錄云宣和五年三月交物二  
十五萬九千八百斤準一萬七千三百秤天會四年正月金致  
宋人參一千秤二月八日書致人參二十秤二月十日書致人  
參二十秤金史百官志俸給麴自五十稱至一稱元李志常西  
遊記云昌八喇城西瓜其重及秤是金元亦沿此數宋朱彥萍

秤爲稱之草書字小爾雅云斤非謂之衡衡有半謂之秤秤三  
謂之鈞不知其文於古何所釋意小爾雅隋唐以前書此又宋  
人續入宋明人謂家語出自阮逸蓋逸略有增益十五斤之秤  
五代時始見之馬令南唐書苛政傳云張宣鎮鄂州賣炭者率  
以十五斤爲秤無敢輕重宋人則盛行其數宋史律志云景  
德中以御書眞行草三體化錢較定實重二銖四綮爲一錢  
以二千四百得十五斤爲一稱之則皇祐新樂圖記阮逸胡瑗  
言隋實以二斤爲一斤今十五斤秤乃古三十斤一鈞也數多  
錯出無可知爲宋今秤也夢溪筆談云予考定鐘律及受詔改  
渾儀求秦漢以前度量升斗古六斗當今一斗七升九合古三  
斤當今十三兩皆古不及今三之一其秤則以宋斤十五爲則

飛洒駁查之弊也二十六年書成乾隆三十一年定地丁數以  
釐爲斷三十三年又通行飭知銀數以毫爲斷米數以勺爲止  
並黃金白金相比數述書云十三釐爲今三錢兩五十四

漢時黃金一斤直錢萬朱提銀八兩直錢一千五百八十銀八  
兩直錢一千是黃金當朱提銀三換餘當常銀五換也後未見  
比校之數抱朴子金丹篇云古秤金一斤於今爲二斤率不過  
直三十許萬其言似以兩計兩直萬錢然古秤今秤云云於事  
不合當是宋人寫本改之又古今輕重相反也唐趙璘因話錄  
云盧仲元爲崔氏鬻金於揚州時遇金貴兩獲八千是晉唐皆  
以兩計宋人野客叢書云古黃金一斤直萬錢其價千百年一  
律今日乃倍蓰蓋不知晉唐黃金價也又古今秤不同難以錢  
數校惟就其時金銀兌換趙宋時金當銀十七換半時銀一兩

洲可談云九宮山有金星銀星鱗音鱗背金銀星宛如一具秤斤

兩疏密無纖毫差惟秤星十五斤鱗背星二十斤枚枚如此今  
黻之祖秤二十斤

小數考

升斗小數爲合勺抄撮圭粟顆粒黍稷禾糠粃粨以十遞減法  
碼小數爲釐毫絲忽微纖沙塵埃渺漠逡巡溟清須淨以十遞  
減又有糲糊等長短小數寸分釐毫以下同其立名多不通夫  
小數惟參差互求則愈析愈多如天體整度則度爲三千六百  
秒秒又析微纖忽芒塵六十遞減之小數猶當別立率始能求  
之若日用之物必不當析粒析毫而計之且無可計也康熙二  
十四年議修賦役全書及給由單刪去抄絲以下歸抄於勺歸

絲於毫於民實無所加蓋抄絲以下非權量所能較徒滋簿書

同度記云今一兩爲九十五銖又十三黍又太重不合也漢律  
麻志云黃鍾之重一龠容千二百黍重十二銖兩之爲兩是二  
千四百黍也隋書律麻志明言開皇以古稱三斤爲一斤大業  
中又用舊稱蓋兼二制當陽玉泉寺有鐵鑊文云大業十一年  
歲次乙亥十一月十八日當陽治下李慧達建造鑊一口用鐵  
今稱三千斤永充玉泉道場供養言今稱者以別於古秤也至  
唐六典明言二十四銖爲兩三兩爲大兩一兩宋沿之夢溪筆  
談云秦漢一斤當今四兩三分兩之一

其言九十二斤半當  
漢三百四十一斤大

約古四十八斤當宋十三斤合三不及一續博物志亦言今九  
十二斤準漢秤二百四十一斤九石合古二十五石宋稱比今  
平大也

同度記言今一兩當古三兩九錢  
六分三釐八毫七絲比宋反大矣

而宋史麻志言以二

千四百黍爲兩新製既定姦弊無所措蓋空言而已筆談又言

正直錢一貫曾敏行獨醒雜志云東坡稱謝民師舉廉云子之  
文如上等紫磨金須還子十七貫五百謝因名上金集沈括夢  
溪筆談云張文孝買第數千緡又援例千餘緡土中得黃金數  
百兩鬻之正如其直亦每兩得十餘緡或不及紫磨金數元時  
則例爲十換元史食貨志云至大三年九月鈔法銀鈔一兩準  
黃金一錢明時則似漢例爲五換弇州史料筆記云永樂五年  
金一兩折鈔四百貫銀一兩折鈔八十貫

兩而平

一十張黃金當者對贖五兩銀當者對五兩銀也

黍五銖合今平八分今一兩合六十二銖半今一斤合一千銖  
此戶部平也明鄭世子律書云十二銖爲今三錢明兩止四十  
銖程君瑤田通藝錄云大黍十二銖今法馬二錢六分八釐弱  
中黍十二銖今法馬二錢四分五釐弱俱太輕不合孔君繼涵

皇朝通考征權考云乾隆四十六年

諭近聞煤價比前昂貴西山一帶著直隸總督委員逐細踴看無礙山場照例招商開採嘉慶九年十一月御史書君興奏煤鋪煤塊收小時生煤四釐一斤十斤直銀四分和土做塊輒煤一斤可得二斤每塊一斤四兩直銀三釐是一分八釐僅得生煤四斤半若輒塊則七斤半炊桂之言信有之矣日益繁富所以尤宜崇儉也

書套

今之書套套卽套套卽鞞鞞卽橐也漢書趙充國辛慶忌傳云持橐簪筆注張晏云橐契囊也近臣負囊備顧問師古云橐所以盛書也無底曰橐卽今書套無當者詩公劉釋文宋孫履齋示兒編俱引說文有底曰橐按左傳言橐籥又言箏食與肉置



古一兩當宋六銖半其言不可解矣會典云雍正十年十月初七日定權衡表求營造尺以分兩定尺寸之法赤金十六兩八錢白金九兩紅銅七兩五錢黑鉛九錢三分鑄高廣六面均者為營造尺六寸法馬形圓求法馬以寸法定輕重之率與前互明

大清會典內務府營造司云煤丁納煤萬斤準銀十六兩五錢

炭丁納白炭千斤準銀十兩五錢黑炭千斤準銀三兩三錢其

出則加厚補蓋兼之神當謂玉泉寺首燬毀文云大業十三年

欽定宮中現行則例云康熙三十五年定冬季給內監月煤百斤炭十斤煤一斤折銀一釐八毫炭一斤折銀五釐則其時銀

一分八釐得主煤十斤

中書謁者令典朝謁史記萬石君列傳云爲中涓受書謁漢書  
申屠嘉傳云鼂錯夜入宮上謁霍光傳云使蒼頭奴上朝謁後  
漢書劉盆子傳云其中一人出刀筆書謁欲賀其餘不知書者  
起往請之皆朝謁也按曲禮云能典謁矣未能典謁也注云謁  
請也謂請主人意見客與否史記酈生陸賈列傳云踵軍門上  
謁使者懼而失謁跪拾謁還走漢書何並傳云自造門上謁袁  
盎傳云至丞相舍上謁蓋寬饒傳云詣官府門上謁雋不疑傳  
云及門上謁陳萬年傳云謁問疾翟義傳云內謁徑入後漢書  
徐穉傳云留謁卽去皆名帖也

### 油煙墨

古用石墨後用松煙墨宋沈括以酈延石油煤作墨東坡志林  
謂石油墨堅重而黑在松煙之上政和中醫官寇宗奭作本草

橐則橐爲今俗有底者曰橐空對言橐與空同音橐與內音

名帖

說文云帖帛書署也玉篇四百三十二同廣韻入聲三十二云帖  
券帖也一切經音義引通俗文云題賦曰帖均就所署言之今  
人職名紙曰名帖古謂之刺後漢書禰衡傳云陰懷一刺魏志  
夏侯淵傳注引世語云人奏一刺悉書其鄉邑名氏唐書百官  
志云諸司相質其制有三一曰關二曰刺三曰移蓋名刺者刺  
取彼意見與否也前此則謂之謁爾雅云謁請也釋名云謁詣  
也詣告也書其姓名於上以告所至詣者也史記索隱云謁以  
札書姓名若今之通刺而兼載錢穀云兼載錢穀者以高祖書  
賀錢萬若今慶弔禮帖所列爲名帖中之一種漢書霍光傳注

文頌云明常用謁以令制兒之刺烏盧寺官之收職名紙莫有

友墨史云潭洲墨工胡景純專取桐油煙名曰桐華煙畫工寶之以點目瞳子如點漆則南宋與金重油煙墨時猶兼用松煙今高麗墨似有漆煙卽葉夢得所謂三韓墨張世南游宦紀聞載宣和六年高麗私覲名品有松煙墨二十挺是北宋以前墨用松煙偶有油煙南宋以後多用油煙今松煙油煙並用松煙以雍正年間製者爲上熱河圍場松也

夾板船札船

高拱乾臺灣府志云荷蘭船最大用板兩層斲而不削製極堅厚中國謂之夾板船其實圓木爲之非板也又多巧思爲帆如蛛網旋盤八面受風無往不順海洋相遇常遭其劫廣南創爲小船曰札船駕巨礮於上攻夾板船底底破卽沈荷蘭甚畏之澳門紀略云荷蘭商船戈船在海中爲最堅皆以夾板戈船有

衍義言墨用松煙其石油煤不可入藥又歐陽季默以油煙墨  
二遺東坡乃自埽油鐙煙所造是北宋石油煤墨已行葉夢得  
避暑錄話云三十年來歙人以黃山松瀆漆燒煙作墨余大觀  
閒取其煤參以三韓墨三之一既成則他名墨皆不及又云近  
有油煙墨法用麻油則黑桐油則不黑世多以桐油賤不復用  
麻油故油煙墨無佳者四朝聞見錄云紹興閒復古殿供御墨  
欲取九里松爲煤新安戴彥衡言此平地松不可用力持乃止  
老學庵筆記云紹興中欲以西湖九里松煙作墨新安墨工以  
爲當用黃山松煙是南宋初有油煙而多用松煙墨金人元好  
問有南中楊生玉泉墨詩注言楊墨不用松煙而用鐙煤意鐙  
煤墨南中作者在紹興後楊生名文秀其子彬傳其法以授耶  
律楚材者也元詩注又言宮中以張遇麝香小團爲畫眉墨陸

五桅九桅桅有雌雄二竅繼而楔之益左右帆數百里之遙逾時可及其首尾皆有柁

皇朝通考四裔考安南云札船無首尾輕捷異常蓋操楫而行恃人力者嘗駛行鑿破夾板船船上人驚則以數十札船掛繩夾板船底爭拽之至淺處而夾板船中人物無歸者紅毛人駕舟避廣安灣其號令舟行望見廣安灣則柁師斬矣廣南於乾隆五十三年并安南亦藏匿海盜後為粵南所并

癸巳存稿卷十終